La Deffence &

ILLVSTRASTION DE

la Langue Francoise.

Auec L'oliue augmentee.

L'anterotique de la Vieille & de la ieune Amye.

Vers liriques.

Ie tout par I.D.B.A. 42

Priuilege du Roy.

1557.

A PARIS.

Par Arnoul l'Angelier, tenant sa boutieque au second pillier de la grand' Salle du Palais.

Extraict du Privilege.

L'est permis par lettre patente du Roynostre Sire, à Arnoul l'Angelier, de faire imprimer & mettre en vente deux petitz liures intitulez La dessence & Illustration de la langue Françoise: & l'autre Cinquante Sonnetz à la louange de l'Oliue, l'Anterotique de la Vieille & de la leune Amye, & vers Lyriques nouuellement composez. Et dessence faicte à tous Libraires & Imprimeurs d'Imprimer, ou mettre en vente les dictz liures, fors de ceux que le dict l'Angelier aura fait Imprimer, durant le temps & terme de trois ans prochains, sur peine de confiscation des dictz liures, & d'amende arbitraire.

Par le Conseil.

N. Buyer.

Et seellé de Cyre jaune.

Stales do la grand Suje du Palais.

Jetout bar L.D. Bar.

A MONSEIGNEUR LE REUEuerendissime Cardinal du Bellay S.

TIEV le personnage, que tu ioues au Spectacle de toute l'Europe, voyre de tout le mode en ce grand Theatre Romain, veu tat d'affaires, telz que seul quasi tu souties: o l'honeur dusacré College? pecheroy-ie pas (comme dit le Pindare Latin) contre le bien publicq's parlonques paroles i empeschoy le tens que tu donnes au seruice de ton Prince, au profit de la Patrie, & à l'accroissement de ton immortelle renommee? Epiant doques quelque heure de ce peu de relais, que tu pres pour respirer soubz le pesant fais des affaires Fracoises (charge vraye ment digne de sirobustes epaules, no moins que le Ciel de celle du grand Hercule) ma Muse a pris la hardiesse d'entrer au sacré Cabinet de tes sainctes & studienses occupatios: & l'a entre tat de riches & excellens voeuz de iour en iour dediez à l'image de ta grandeur, pendre le sien humble & petit:mais toutes fois bien heureux s'il rencontre quelque faueur deuant les yeux de taboté, semblable à celle des Dieux im mortelz, quin'ont moins agreables les pauvres presens d'un bieriche vouloir, que ces superbes & ambicieuses offrades. C'est en effect la Deffense & Illustration de nostre Lague Francise. A l'entreprise de laquelle riëne m'a induyt, que l'affection naturelle envers ma Patrie, & à te la dedier, que la gradeur de ton nom. Afin qu'elle se cache (come souz le bouclier d'aiax) contre les traictz enuenimez de ceste antique ennemye de vertu, souz l'umbre de tes esles. De toy dy-ie, dot l'incomparable scauoir, vertu & conduyte toutes les plus grades choses, de si log tens de tout le monde sont experimentees, que iene les scauroy plus au vif exprimer, que les couurat (suyuat la ruse de ce noble peintre Tymate) souz le voyle de silence. Pour ce, que de vne si grande chose il vault trop myeux (come deCarthage disoit T.Line) se taire du tout que d'en dire peu. Recoy donques auec ceste accoustumee boté, qui ne te red moins amy able entre les plus petis, que ta vertu & auctorité venerable entre les plus grads, les premiers fruictz ou pour mieux dire les premieres fleurs du Prin tens de celuy qui entoute reuerece de humilité baise les mains de ta R.S.Priat le ciel te depar tir autat d'heureuse & logue vie, & à tes haul tes entreprises estre autant fauorable, come en ners toy a eté liberal, voire prodique de ses gra ces. A Dieu, de Paris ce 15 de Feurier. 1549.

L'autheur prie les Lecteurs differer leur iug ment iufques à la fin du liure, & ne le condamner sans auoir premierement bien veu, & examiné ses rais ns. Ιωάννης Αυραπός εις κελπικής γλώστης Απολογίαν.

Είς οιονός άρισος άμωνε θαι περί πάπους, Είπεν ομηρέιων ένεπτη χαρίπων. Ε'ν δε κλέος μέγ άρισον άμωνε θαι περί

YLOTINS

Της πατείης, κάγω φημί παρωδιάον Βελλά ως γεν σευ πρόγονοι φιλοπάτειδες ardpes

Η'κεσαι, πατείς γης περιμαρναμενοι. Ούτως κ πατείης συ συνηρορέων περί

YNOTINS Κληδόν αεί σχήσεις, ως φιλό πατζίς ανής.

A L'AMBICIEVX ET Auare Ennemy des bonnes Lettres.

Sonner.

Serf de Faueur, Esclaue d'Auarice,

Tun heuz iamais sur toymes mes pouvoir,

Et ie me veux d'vntel Maitre pouruoir,

Que l'Esprit libre en plaisir se nourrisse.

L'Air, la Fortune, & l'humaine Police

Ont en leurs mains ton malheureux Auoir.

Le suge auare icy n'a rien à voir:

Ny les troys Seurs, ny du Tens la malice.

Regarde donc qui est plus souhaitable

L'ayse, ou l'ennuy, le certain, ou l'instable.

Quand à l'honneur, i'espere estre immortel:

Car vn cler Nom souz Mort iamais ne tumbe.

Le tien obseur ne te promet rien tel.

Ainsi, tous deux serez souz mesme Tumbe.

CAELO MVSA BEAT.

La Deffence &

ILLVSTRASTION DE

la Langue Francoise.

Liure premier.

L'origine des Langues.

Shoot CHAP. I.

que personnage de grand' renómee non sans rayson à douté, si on la devoit appeller Mere, ou Maratre) eust donné aux Hommes yn commun vouloir & con

sentement, outre les innumerables commoditez qui en seussent procedees, l'inconstance humaine, n'eust eu besoing de se forger tant de manieres de parler. Laquelle diuersité & consusion, se peut à bo droict appeller la Tour de Babel. Don ques les langues ne sont nees d'elles mesmes en saçon d'herbes, racines & arbres: les vnes insirmes & debiles en leurs especes: les autres saines & robustes, & plus aptes à porter le faiz des conceptions humaines: mais toute leur vertu est nee au monde du vouloir & arbitre des mortelz. Ce la (ce me semble) est vne grade raison, pour quoy on ne doit ainsi louer vne langue, & blamer l'autre: veu qu'elles viennent toutes d'vne mesme

source & origine, c'est la fantasse des hommes, & ont eté formees d'vn mesme iugemet, à vne mesme fin: c'est pour signifier entre nous les conceptions & intelligences de l'esprit. Il est vray que par successió de tens les vnes, pour auoir eté plus curieusement reiglees, sont deuenues plus riches que les autres: mais cela ne se doit attribuer à la fe licité desdites Langues, ains au seul artifice & industrie des Hommes. Ainsi donques toutes les choses que la Nature à crees, tous les ars & sciences en toutes les quatre parties du Monde, sont chacune endroict soy vne mesme chose : mais pource que les hommes sont de diuers vouloir, ilz en parlent & ecriuent diuersement. A ce propos, ie ne puis assez blamer la sotte arrogace & temerité d'aucuns de notre nation, qui n'etans ries moins que Grecz, ou Latins, deprisent & reietet d'vn sourcil plus que Stoique, toutes choses ecrites en François, & ne me puis assez emerueiller de l'etrange opinion d'aucuns scauans, qui pensent que nostre vulgaire soit incapable de toutes bonnes lettres & erudition, comme si vne inuen tion pour le Langaige seulement devoit estre iugee bonne ou mauuaise, A ceux la ie n'ay entrepris de satisfaire. A ceux cy ie veux bien, s'il m'est possible, faire changer d'opinion par quelques raisons, que brefuement i'espere deduyre, no que ie me sente plus cler voyat en cela, ou autres cho ses, qu'ilz ne sont, mais pour ce que l'affection qu'ilz portent au langues estrangeres, ne permet qu'ilz veillent faire sain, & entier iugement de leur vulgaire.

Que la Langue Francoise ne doit estre nommee Barbare.

CHAP. II.

OVR commencer doques à en trer en matiere, quant à la signification dece mot Barbare: Barbares anciennement etoient nomez ceux qui ineprement parloient Grec. Car comme les e-

trangers venas à Athenes l'efforcoient de parler grec, ilz tumboient souuent en ceste voix absurde βάρβαρας. Depuis les grecz transporterent ce nom aux meurs brutaux & cruelz, appellant toutes nations hors la grece, Barbare. Ce qui ne doit en rien diminuer l'excellence de notre lague, veu que c'est arrogace greque, admiratrice seulement de ses inuentions, n'auoit loy ny priuilege de legi timer ainsi sa nation, & abatardir les autres, comme Anacharsis disoit que les Scythes etoient Bar bares entre les Atheniens, mais les Athenies aussi entre les Scythes. Et quand la barbarie des meurs de noz ancestres eust deu le mouuoir à nous appeller Barbares, si est ce que ie ne voy point, pour quoy on nous doiue maintenat estimer telz, veu qu'en civilité de meurs, equité de loix, magnanimité de courages, brefen toutes formes & manieres de viure non moins louables, que profitables, nous ne sommes rien moins qu'eux, mais bien plus, veu qu'ilz sont telz maintenant q nous les pouuosiustement appeller par le nom, qu'ilz

donné aux autres. Encores moins doit auoir lieu de ce que les Romains nous ont apellez Barbares, veu leur ambition & insatiable faim de gloire, qui tachoient non seulemet à subjuguer, mais à rendre toutes autres nations viles & abiectes au pres d'eux: principalement les Gauloys, dont ilz ont receu plus de honte & dommage, que des au tres. A ce propos, songeant beaucoup de fois, deou vient que les gestes du peuple Romain, sont tant celebrés de tout le Monde, voyre de si long internale proferés a ceux de toutes les autres nations ensemble, ie ne treuue point plus grade raison que cete cy: c'est que les Romains ont en si grande multitude d'Ecriuains, que la plus part de leurs gestes (pour me dire pis) par l'espace de tant d'annees, ardeur de batailles, vastité d'Italie, incur fionsd'estrangers, s'est conseruce entiere iusques à nostre tens. Au contraire les faiz des autres nations singulierement des Gauloys, auant qu'ilz tumbassent en la puissance des François, & les faiz des François mesmes depuis qu'ilz ont donnéleur nom aux Gaules, ont eté si mal recueillis, que nous en auons quasi perdu non seulement la gloire, mais la memoire. A quoy à bié aydél'enuie des Romains, qui come par vne certaine coniuration conspirant contre nous, ont extenué en tout ce qu'ilz ont peu, notz louanges belliques, dont ilz ne pouuoiét endurer la clarté: & non seu lement nous ont fait torten cela, mais pour nous rendre encor' plus odieux & contéptibles, nous ont appellez brutaux, cruelz & Barbares. Quelqu'vn dira, pourquoy ontilz exemptéles Grecz

de ce no pource qu'ilz se feussent fait plus grand tort, qu'aux Grecz mesmes, dont ilz auoient emprunté tout ce qu'ilz auoient de bon, au moins quant aux sciences & illustration de leur langue. Ces raisons me semblét suffisantes de faire enten dre à tout equitable estimateur des choses que no stre langue (pour auoir eté nommés Barbares ou de noz ennemys, ou de ceux qui n'auoient loy de nous bailler ce nom) ne doit pourtant estre deprisee, mesmes de ceux aux quelz elle est propre & naturelle: & qui en rien ne sont moindres que les Grecz ou Romains.

Pourquoy la Langue Francoisen est siriche que la Greque & Latine.

no CHAP. III alla bemine al ab

Thi notre langue n'est si copieus se & riche que la Greque ou Latine, cela ne doit estre imputé au default d'icelle, comme si d'elle mesme elle ne pouvoit iamaisesser stre si non pauvre & sterile mais

bien on le doit attribuer à l'ignotace de notz maieurs, qui ayans (comme dict quelqu'vn, parlant
des anciens Romains) en plus grande recommédation le bien faire, que le bien dire & mieux aymans laisser à leur posterité les exemples de vertu, que les preceptes : se sont priuez de la gloire
de leurs bien faitz, & nous du fruict de l'immitation d'iceux: & par mesme moyen nous ont laissé

nostre Langue si pauure & nue, qu'elle a besoing des ornementz, & (fil fault ainsi parler) des plumes d'autruy. Mais qui voudroit dire que la Greque & Romaine eussent tousours etéen l'excelléce qu'on les à veues du tes d'Homere & de Demosthene, de Virgile & de Ciceron? Et si ces aucteurs eussent iugé, que iamais pour quelque diligence & culture, qu'on y eust peu faire, elles ne eussent sceu produyre plus grand fruict, se feussent ilz tát eforcez de les mettre au point, ou no? les voyons maintenant? Ainsi puis-ie dire de notre langue, qui commence encores à fleurir, sans fructifier, ou plus tost comme vne Plante & Vergette,n'a point encores fleury, tant se fault qu'elle ait apporté tout le fruict qu'elle pourroit bien produyre. Cela certainemet non pour le default de la nature d'elle aussi apte à engendrer que les autres: mais pour la coulpe de ceux qui l'ont euc en garde, & ne l'ont cultimee à suffisance, ains come vne plante sauuage, en celuy mesmes Desert, ou elle auoit commencé a naitre, sans iamais l'arrouser, la tailler, ny defendre des Ronces & Epines, qui luy faisoiet vmbre, l'ont laisse enuieillir, & quasi mourir. Que si les anciens Romains eus. sent eté aussi negligens à la culture de leur Langue, quand premierement elle commenca à pululer, pour certain en si peu de tens elle ne feust deuenue si grande. Mais eux en guise de bons Agriculteurs, l'ont premierement transmuce d'vn lieu sauuaige en vn domestique: puis affin que plustost & mieux elle peust fructisier, coupant

à l'entour les inutiles rameaux, l'ont pour echange d'iceux restauree de Rameaux francz & domestiques magistralemet tirez de la langue Greque, les quelz soudainement se sont si bien entez · & faiz semblables à leur tronc, que desormaisneapparoissent plus adoptiz : mais naturelz. De la sont nees enla Langue Latine ces fleurs & ces fruictz colorez de cete grande eloquence, auecques ces nombres, & cete lyaison si artificielle, toutes les quelles choses non tant de sa propre na ture, que par artifice toute langue à coutume de produyre. Donques si les Grecz & Romains plus diligens à la culture de leurs langues que nous à celle de la nostre, n'ont peu trouuer en icelles si non auecques grand labeur & industrie ny grace, ny Nombre, ny finablement aucune eloquen ce, nous deuons nous emerueiller si nostre vulgai te n'est si riche comme il pourra bien estre, & de là prendre occasion de le mepriser comme chose vile, & de petit prix? Le tens viendra (peut estre) & ie l'espere moyennant la bonne destinee Françoise, que ce noble & puissant royaume obtiendra à son tour les resnes de la Monarchie, & que nostre Lague, (si auecques François n'est du tout enseuelie la Langue Françoise) qui commence encor'à ietter ses racines, sortira de terre, & s'eleuera en telle hauteur & groffeur qu'elle se pour ra egaler aux mesmes Grecz & Romains, produis sant comme eux, des Homeres, Demosthenes, Virgiles, & Cicerons, aussi bien que la France à quelquesfois produit des Pericles, Nicies, Alcibiades, Themistocles, Cesars & Scipions.

Que la Langue Francoise n'est si pauure que beaucoup l'estiment.

CHAP. IIII.

En'estime pourtant nostre vulgaire, tel qu'il est maintenant, estre si vil & abiect, comme le font cesambitieux admirateurs des Langues Greque & Latine, qui ne penseroient, & seussent

ilz la mesme Pythô, Deesse de persuasion, pouuoir rien dire de bon, si n'etoit en langaige erranger, & non entédu du vulgaire. Et qui vouldra de bien pres y regarder, trouuera que nostre langue Françoise n'est si pauure, qu'elle ne puisse rendre fidelemet ce qu'elle emprunte des autres, si infertile, qu'elle ne puisse produyre de soy quelque fruict de bone invention, au moyé de l'industrie & diligéce des cultiueurs d'icelle, si quelques vns fe treuvent tant amys de leur paix, & d'eux mesmes, qu'ilz s'y veillet employer. Mais à qui, apres Dieu, rendros nous graces d'vn tel benefice, si no à nostre feu bon Roy & pere François, premier de ce nom & de toutesvertus?ie dy premier d'autant qu'il à en son noble royaume premierement restitué tous les bons ars & sciences en leur ancienne dignité: & srà nostre langaige au parauant scabreux & mal poly, rendu elegant, & si non tat copieux, qu'il pourra bien estre, pour le moins sidele interprete de tous les autres. Et qu'ainsi soit, Philosophes, Historiens, Medicins, Poetes, Orateurs Grecz & Latins ont apris à parler François. Que diray-ie des Hebreux? Les saintes lettres do . nent ample tesmoignage de ce que ie dy. le laisseray encest endroict les superstineuses raisons de ceux qui soutiennent, que les mysteres de la Theologie ne doiuet estre decouvers, & quasi co me prophanez en lagage vulgaire, & ce que vont allegant ceux qui sont d'opinion contraite. Car ceste disputation n'est propre à ce, que i'ay entrepris, qui est seulemet de montrer que nostre langne n'ha point eu à sa naissance les Dieux & les Astres si ennemis, qu'elle ne puissevn iour paruenir au point d'excellence & de perfection aussi bien que les autres, entendu que toutes sciences se peuvent sidelement & copieusement traicter en icelle, comme on peut voir en si grad nombre de liures Grecz & latins, voyre bien Italiens, Efpaignolz, & autres traduictz en François, par maintes excellentes plumes de nostre Tens.

> Que les Traductions ne sont suffisantes pour donner perfection à la langue Francoise.

CHAP. V. Tablishabed 2009 Outesfois ce tant louable labeur de traduyte ne me semble moyen I vnique & suffisant, pour eleguer nostre vulgaire à l'egal & Paransgon des autres plus fameules langues. Ce que ie pretes prouuer si

cleremet, que nul n'y vouldra (ce croy ie) contre dire, s'iln'est manifeste calumniateur de la verité. Et premier, c'est vne chose accordee entre tous les meilleurs Aucteurs de Rethorique, qu'il ya cinq parties de bien dire, l'Inuention, l'Eloquution, la Disposition, la Memoire, & la Pronuntiation. Or pour autant que ces deux dernieres ne se aprennent tant par le benefice des Langues, comme elles sont donnees à chacun selon la felicité de sa Nature, augmentees & entretenues par studieux exercice & continuelle diligence, pour autant aussi que la Disposition gist plus en la discretion & bon iugemet de l'Orateur, qu'en certaines reigles & preceptes, veu que les euenementz du Tens, la circunstance des lieux, la condition des personnes, & la diuersité des occasios sont innumerables. Ie me contenteray de parler des deux premieres, scauoir de l'Inuention, & de l'Eloquation. L'office donques de l'Orateur est de chacune chose proposee elegamment & copieusement parler. Or ceste faculté de parler ainsi de toutes choses, ne se peut acquerir que par l'intelligence parfaite des sciences, les quelles ont eté premierement traitées par les Grecz, & puis par les Romains imitateurs d'iceux. Il fault donques necessairement que ces deux langues soient. entendues de celuy qui veut acquerir cete copie, & richesse d'Inuention, premiere & principale piece du Harnoys de l'Orateur. Et quant à ce point, les fideles Traducteurs peuvent grandement seruir & soulager ceux qui n'ont le moyen Vnique de vacquer aux Langues estrageres. Mais quant à l'Eloquution, partie certes la plus difficile, & sans laquelle toutes autres choses restent comme Inutiles, & semblables, à vn Glayue encores couvert de sa Guyne, Eloquution (dy ie) par la quelle Principalement yn orateur est jugé plus excellent, & vn Genre de dire meilleu, que l'autre: comme celle dot est appellée la mesme Eloquence, & dont la vertu gist aux motz propres, vsitez, & non alienes du comun vsaige de parler: aux Methaphores, Alegories, Coparaisons, Simi litudes, Energies, & tant d'autres figures, & ornemens, sans les quelz tout oraison, & Poeme sont nudz, manques, & debiles. le ne croyray iamais qu'on puisse bien apprendre tout cela des Traducteurs, pour ce qu'il est impossible de le rendre auecque la mesme grace, dont l'Aucteur en à vsé: d'autat que chacune Lague à le nescay quoy propre seulement à elle, dont si vous efforcez expremer le Naif en vn autre Langue obseruant la Loy de traduyre, qui est n'espacier point hors des Limites de l'Aucteur, vostre Diction scra contrainte, froide, & de mauuaise grace. Et queainsi soit, qu'on me lyse vn Demosthene, & Homere Latins, vn Ciceron, & Vergile Françoys, pour voir s'ilz vous engédrerot telles affections, voyre ainsi qu'vn Prothee vous transformeront en diverses sortes, comme vous sentez lysant ces Aucteurs en leurs Langues. Il vous semblera passer de l'ardente Montaigne d'Aethne sur le froid Sommet de Caucase. Et ce, que ie dy des Lagues Latine, & Grecque, ce doit reciproquement dire de tous les vulgaires, dont i'allegueray seulement vn Petrarque, du quel i'ose bien dire, que si Homere, & Virgile renaissanoient entrepris de le traduyre, ilz ne le pourroient rendre auecques la mesme grace, & nayfueté, qu'il est en son vulgaire Toscan. Toutes fois quelques vns de notre Tes ont entrepris de le faire parler François. Voyla en bref les raisons, qui m'ont fait penser, que l'of fice & diligence des Traducteurs, autrement fort vtile pour instruyre les ignorans des Langues etrangeres en la congnoissance des choses, n'est suffisante pour donner à la nostre ceste perfection, & comme font les Peintres à leurs tableaux ceste derniere main, que nous desirons. Et si les raisons, que i'ay alleguées, ne semblent assez fortes, ie produiray pour mes garans, & deffenseurs les anciens Aucteurs Romains, Poetes prin cipalement, & Orateurs, les quelz (combien que Ciceron ait traduyt quelques Liures de Xenophon, & d'Arate, & qu'Horace baille les precepres de bien traduyre) ont vacqué à ceste partie plus pour leur etude, & profit particulier, que pour le publier à l'amplification de leur Langue, à leur gloire & commodité d'autruy. Si aucuns ont veu quelques Ocuures de ce tens la soubz til tre de traduction, i'entens de Ciceron, de Virgile & de ce bienheureux Siecle d'Auguste, ilz me pourroiet dementir de ce que ie dy.

Des mauuais Traducteurs, & de ne traduyre les Poetes.

CHAP. VI.

A I S que diray-ie d'aucuns, vrayement mieux dignes d'estre appellez Traditeurs, que Traducteurs? Veu qu'ilz trahissét ceux qu'ilz entreprennét exposer, les frustrat de leur gloire, & par mes

me moyenseduysent les Lecteurs ignorans, leur montrant le blanc pour le noyr: qui pour acquerir le nom de scauans, traduysent à credict les langues, dont iamais ilz n'ont entendu les premiers Elementz, comme l'Hebraique, & la Grecque, & encor' pour myeux se faire valoir, se prennent aux Poetes, genre d'aucteurs certes, auquel si ie scauoy', ou vouloy' traduyre, ie m'adroisseroy' aussi peu à cause de ceste Divinité d'invention, qu'ilz ont plus que les autres, de ceste grandeur de style, magnificence de morz, grauité de senten ces, audace & varieté de figures, & mil'autres lumieres de Poesie: bref ceste Energie, & ne scay quel Esprit, qui est en leurs ecritz, que les latins appelleroient Genius. Toutes les quelles choses se peuvent autant exprimer en traduisant, comme vn Peintre peut representer l'Ame auecques le Cors de celuy, qu'il entreprent tyrer apres le Naturel. Ce que ie dy ne l'adroisse pas à ceux, qui par le commandement des princes & grands seigneurs traduy sent les plus fameux Poetes Grecz, & Latins: pour ce que l'obeissance, qu'on doit à

telz personnages, ne reçoit aucune Excuse en cest endroit, mais bien i'entends parler à ceux, qui de gaveté de cueur (comme on dict) entreprennent telles choses legerement, & s'en aquitent de mesones. O A polon. O Muses prophaner ainsi les sacrees Reliques de l'Antiquité? Mais ie n'en diray autre chose. Celuy donques qui voudra faire œuure digne de prix en son vulgaire, laisse ceux qui de chose laborieuse, & peu prositable, i'ose dire encor' inutile, voyre pernicieuse à l'Acroissement de leur Langue, emportent à bone droict plus de molestie, que de gloyre.

Comment les Romains ont enrichy leur Langue.

CHAP. VII.

lles Romains (dira quelqu'vn)
n'ont vaquéàce Labeur de Traduction, par quelz moyens donques ont ilz peu aîsi enrichir leur
Langue, voyre iusques à l'egaller
quasi à la Greque? Immitant les
meilleurs Aucteurs Grecz, se transformant en
eux, les deuorant: & apres les auoir bien digerez,
les convertissant en sang, & nourriture se proposant chacun selon son Naturel, & l'Argument,
qu'il vouloit elire, le meilleur Autheur, dont ilz
observoient diligemment toutes les plus rares, &
exquises vertuz, & icelles comme Grephes, ainsi
que s'ay dict deuant, entoiét, & apliquoiet à leur

Langue. Cela faisant (dy ie) les Romains ont ba ty tous ces beaux Ecriz, que nous louons, & admirons si fort: egalant ores quelqu'vn d'iceux,ores le preferat aux Grecz. Et de ce, que ie dy, font bone preuue Ciceron, & Virgile que voluntiers & par Honneurie nomme tousiours en la Langue Latine, des quelz comme l'vn se feut entierement adonné à l'Immitation des Grecz, contre fit, & exprima si au vif la copie de Plato, la veheméce de Demosthene, & la ioyeuse douceur d'Isocrate: que Molon Rhodian l'oyant quelquefois declamer, s'ecria, qu'il emportoit l'eloquence Grecque à Rome. Lautre immita si bien Homere, Hesiode, & Theocrit, que depuis on à dict de luy, que de ces trois il à surmonté l'vn, egalé l'autre, & aproché si pres de lautre, que si la felicité des argumens qu'ilz ont traistez, eust estépa reille, la Palme seroit bien douteuse. le vous demande donq'vous autres, qui ne vous employez qu'aux Translations, si ces tant fameux Aucteurs se fussent amusez à Traduyre, eussent ilz eleué leur Langue à l'excellence. & hauteur, ou nous la voyons maintenat? Ne pensez donques quelque diligéce, & industrie, que vous puissez mettre en cest endroict, faire tant que nostre langue encores rampante à terre, puisse hausser la teste, & s'eleuer sur piedz.

alvest vicionio promo argudoment lonalis

eromana Presidente a proposition de la concessión de la concesión de la concessión de la co

the interpretate an arrange my said

b iii

D'amplifier la Langue Francoyse par l'immitation des anciens Aucteurs Grecz & Romains.

CHAP. VIII.

E compose donq'celuy qui vou-dra enrichir sa Lague, à l'immitatio des meilleurs Aucteurs grecz, & Latins, & à toutes leurs plus grandes vertuz, comme à vn certain but, dirige la pointe de son Style. Car il n'y à point de doute, que la plus grand part de l'Artifice ne soit contenue en l'immitation, & tout ainsi que ce feut le plus louable aux Anciens de bien inuenter, aussi est ce le plus vtile de bien immiter, mesmes à ceux, dont la lague n'est encor' bien copieuse, & riche. Mais entéde celuy, qui voudra immiter que ce n'est chose facile de bien suyure les vertuz d'vn bon Aucteur, & quasi comme se trasformer en luy, veu que la Nature mesmes aux choses, qui paroissent tressemblables, n'a sceu tat faire, que par quelque notte, & difference elles ne puissent estre discernées. le dy cecy, pour ce qu'il y en à beaucoup en toutes Langues, qui sans penetrer aux plus cachées, & interieures parties de l'Aucteur, qu'ilz se sont proposé, s'adaptent seulement au premier Regard, & s'amusant à la beauté des Motz, perdet la force des choses. Et certes, comme ce n'est point chose vicieuse, mais grandement louable emprunter d'vne Lague etrangere les Sentences, & les motz, & les approprier à la sienne, aussi est ce chose grandement à reprendre, voyre odieuse à tout lecteur de liberale Nature, voir en vne mesme langue vne telle Immitation, comme celle d'aucuns Scauans mesmes, qui s'estiment estre des meilleurs, quant plus ilz ressemblent vn Heroet, ou vn Marot. le t'amonneste donques (ò toy, qui desires l'accroissement de ta langue, & veux exceller en icelle) de no immiter à pié leué, come n'agueres à dict quelqu'vn, les plus fameux Aucteurs d'icelle, ainsi que font ordinairemet la plus part de notz Poetes François, chose certes autant vicieule, come de nul profict à nostre vulgaire: veu que ce n'est autre chose (ò grande liberalité) sinon de luy donner ce, qui estoit à luy. Ie vouldroy bien que nostre Langue feust si riche d'exemples domestiques, que n'eussions besoing d'auoir recours aux Etrangers. Mais si Virgile, & Ciceron se feussent contentez d'immiter ceux de leur langue, qu'auront les latins outre enuie, ou Lucresse, outre Crasse, ou Antoyne.

Response à quelques obiections.

CHAP. IX.

PRES auoir le pl' succintemet qu'il m'a eté possible ouuert le chemin à ceux, qui destrent l'amplification de notre langue, il me semble bon, & necessaire de repondre à ceux, qui l'estiment bar

bare & irreguliere, incapable de cete elegance & copie, qui est en la Grecque & Romaine: d'autant

b iiii

(disentilz) qu'elle n'a ses Declinations, ses piedz & ses Nombres, come ces deux autres Lagues. le ne veux alleguer en cest endroict (bien que ie le peusse faire sans honte) la simplicité de noz Maieurs, qui se sont cotentez d'exprimer leurs Conceptions auecques paroles nues, sans Art, & Ornement: non Immitans la curieuse diligence des Grecz, aux quelz la Muse avoit donné la bouche ronde (comme dict quelqu'vn) c'est à dire, parfaire en toute elegance, & Venusté de paroles? comme depuis aux Romains Immitateurs des Grecz. Maisie diray bien, que nostre Lague n'est tant irreguliere, qu'on voudroit bien dire : veu qu'elle se decline si non par les Noms, Pronos, & Participes pour le moins par les Veibes, en tous leurs Tens, Modes, & Personnes. Et si elle n'est si curieusement reiglee, ou plus tost liee est gehinnee en ses autres parties, aussin'ha elle point tant d'Hetheroclites, & Anomaux, monstres estranges de la Grecque, & de la Latine. Quand aux piedz, & aux nombres, ie diray au second Liure en quoy nous les recompensons. Et certes (comme dict vn grad Aucteur de Rethorique parlant de la felicité, qu'ont les Greczen la composition de leurs motz) le ne pense que telles choses se facent par la nature desdictes Langues, mais nous fa uorisons tousiours les Estrangers. Qui eust gardé noz Ancestres de varier toutes les parties declinables, d'allonger une syllabe, & accoursir l'au tre: & en faire des piedz, ou des mains! Et qui gardera noz successeurs d'observer telles choses, si quelques Scauas, & non moins ingenieux de cest aage enrreprennent de les reduyre en Art? com? me Ciceron promettoit de faire au droict Ciuil, chose, qui à quelques vns à semblé impossible, aux autres non. Il ne fault point icy alleguer l'excellence de l'antiquité: & comme Homere se plai gnoit que de sontens les cors estoient trop pctiz, dire que les Espris modernes ne sont à compa rer aux anciens. L'architecture, l'art du Nauigaige, & autres Inuentions antiques certainement sont admirables, non toutesfois si on regarde à la necessité mere des Ars, du tout si grandes, qu'on doyue estimer les cieux, & la Nature y auoir dependu toute leur vertu, vigueur, & industrie. le ne produiray pour tesmoingz de ce que ie dy le-Imprimerie Seur des Muses, & dixieme d'elles, & ceste non moins admirable, que pernicieuse foudre d'Artillerie, auecques tant d'autres non antiques inuentions, qui montrent veritablement, que par le long cours des Siecles, les Espris des hommes ne sont point si abatardiz? qu'on voudroit bien dire. Ie dy seulemet, qu'il n'est pas impossible, que nostre Langue puisse receuoir quel quefoys cest ornement, & artifice aulsi curieux, qu'il est aux Grecz, & Romains. Quandau son, &ie ne scay qu'elle naturelle douceur (comme ilz disent) qui est en leurs langues, ie ne voy point que nous l'ay os moindre au iugement de plus de licates Oreilles. Il est bien vray que nous vsons du prescript de Nature, qui pour parler nous à seulement donné la Langue. Nous ne vomissons pas notz paroles de l'Estommac, comme les yurongnes: nous ne les etranglons de la Gorge, comme les Grenoilles: nous ne les decoupos pas dedans le Palat comme les Oyzeaux, nous ne les sistins pas des leures comme les Serpens. Si en tel les manieres de parler gist la douceur des Langues, ie confesse que la nostre est rude, & mal son nante. Mais aussi nous auons c'est auantage de ne tordre point la Bouche en cent mile sortes, comme les Singes, voire come beaucoup mal se souuenans de Minerue, qui iouant quelque fois de la fluste, & voyant en vn myroir la deformité de ses leures, la ieta bien loing, malheureuse rencotre au presumptueux Marsye, qui depuis en fut ecorché. Quoy donques, dira quelqu'vn, veux tu à l'exemple de ce Marsye, qui osa comparer sa Fluste rustique à la douce Lyre d'Apolon, egaler ta langue à la Grecque, & latine? le confesse, que les Aucteurs d'icelles nous ont surmotez en scauoir & facunde: esquelles choses leur à eté bié facile de vaincre ceux qui ne repugnoient point. Mais que par longue, & diligente Immitation de ceux, qui ont occupé les premiers, ce que Nature n'ha pourtant denié aux autres, nous ne puissions leur succeder aussi bien en cela, que nous auons deia fait en la plus grand' part de leurs Ars Mecaniques, & quelquefois en leur monarchie, ie ne le diray pas : cartelle iniure ne l'etendroit seulemet cotre les Espris des Hommes: mais contre Dieu, qui à donné pour loy inviolable à toute chose cree de ne durer perpetuellemet: mais passer sans fin d'vn Etat en l'autre: etat la fin, & Corruption de l'vn, le commencement & generation de l'autre. Quelque Opiniatre repliquera encores. Ta langue tarde trop à receuoir ceste perfection. Et ie dy, que ce retardement ne prouue point qu'elle ne puisse la receuoir, aincois ie dy, qu'elle se pourra tenir certaine de la garder longuement. l'ayant acquise auec si longue peine, suyuant la Loy de Nature, qui à voulu, que tout Arbre, qui naist, Florist, & Fructisse bien tost, bien tost aussi enuieillisse, & meure: & au contraire, celuy durer par longues Annees, qui à longuement trauaillé aiecter ses Racines.

Que la Langue Francoise n'est incapable de la Philosophie, pour quoy les Anciens estoient plus Scauans que les Hommes de nostre Aage.

CHAP. X. OV T ce, que i'ay dict pour la defence, & Illustration de nostre La Lgue, apartient principalement à ceux, qui font prosession de bien dire, comme les Poetes, & les Orateurs. Quandaux autres parties de Literatures, & ce Rond de Sciences, que les Grecz ont nommé Encyclopedie. l'en ay touchéau commencement vne partie, de ce, que m'en semble: cest que l'industrie des fideles Traducteurs est en cest endroict fort vtile, & necessaire: & ne les doit retarder, s'ilz rencontrét quelquefois des Motz, qui ne peuuent estre receuz en la famille Françoyse, veu que les Latins ne se sont point eforcez de traduyre tous les vocables Grecz, comme Rhetorique, Musique, Arithmetique, Geometrie, Phylosophie & quasi tous les noms des Sciences, les noms des figures, des Her bes, des Maladies, la Sphere, & ses parties, & generallement la plus grand' part des termes vsitez aux sciences naturelles & Mathematiques. Ces morz la doques seront en notre Langue comme etrangers en vne Cité: aux quelz toutes fois les Pe riphrazes seruiront de Truchementz. Encores se roy'ie bien d'opinion que le scauant Translateur fist plus tost l'office de Paraphraste, que de Traducteur, s'efforcant donner à toutes les Scieces, qu'il voudra traiter, l'ornement, & lumiere de sa Langue, comme Ciceron se vante d'auoir fait en la Phylosophie, & à l'exemple des Italiens qui le ont quasi toute conuertie en leur vulgaire, princi palement la Platonique. Et si on veut dire que la Phylosophie est vn faiz d'autres Epaules, que de celle de notre Langue, i'ay dict au commencement de cest œuure, & le dy encores, que toutes Langues sont d'vne mesme valeur, & des mortelz à vne mesme fin d'vn mesme iugement tormées. Parquoy ainsi comme sans muer des coutu mes ou de nation, le François & l'Alement, non seulement le Grec, ou Romain se peut donner à Phylosopher, aussi ie croy, qu'a vn chacun sa Lan gue puysse competemment communiquer toute doctrine. Donques si la Phylosophie semée par Aristote, & Platon au fertile chap Atique estoit replantée en notre Pleine Françoise, ce ne seroit la ieter entre les Ronses, & Epines, ou elle deuint sterile: mais ce seroit la faire de loingtaine prochaine, & d'Etrangere Citadine de nostre Republique. Et parauenture ainsi que les Episseries, & autres Richesses Orientales, que l'Inde nous ennoye, sont mieulx congnues, & traitées de nous & en plus grad prix qu'en l'endroiet de ceux, qui les sement ou recueillent, semblablement les Spe culations Phylosophiques deviendroient plus fa milieres, qu'elles ne sont ores, & plus facilemet seroient entendues de nous, si quelque scauant Homme les avoit transportés de Grec, & latin en nostre Vulgaire, que de ceux, qui les vont (s'il fault ainsi parler) cueiller aux lieux ou elles croifsent. Et si on veut dire, que diuerses Langues sont apres à signifier diverses conceptions, aucunes, les conceptions des Doctes, autres, celles des Indoctes: & que la Grecque principalement convient si bien auecques les doctrines, que pour les exprimer il semble, qu'elle ait esté formée de la mes me Nature, no de l'humaine Prouidéce. le dy, que icelle Nature, qui en tout Aage, en toute Prouince, en toute Habitude est tousiours vne mesme chose, ainsi comme voluntiers elle s'exerce son Art par tout le monde, non moins en la Terre, qu'au ciel, & pour estre ententine à la productio des Creatures raisonnable, n'oublie pourtant les irraisonnables: mais auecques vn egal Artifice en gendre cetes cy, & celles la aussi est elle digne deestre congnue, & louée de toutes personnes, & en toutes Langues. Les Oyseaux, les Poissons, & les Besterrestres de quelquonque maniere ores auecques vn son, ores auecques l'autre, sans di stinction de paroles, signifient leurs Affections.

Beaucoup plus tost nous Hommes deurions fai? re le semblable, chacun auecques sa langue : sans auoir recours aux autres. Les ecritures & langaiges ont eté trouuez no pour la conservation de la Nature, la quelle (comme diuine qu'elle est) n'a mestier de nostre ayde : mais seulement à nostre bien & vtilité: affin que presens, absens, vyfz,& mors manifestans l'vn à l'autre le secret de notz cueurs, plus facilement paruenios à notre propre felicité, qui gist en l'intelligence des sciences, non point au son des paroles: & par consequent celles langues, & celles ecritures deuroier plus estre en vsaige, lesquelles on apprendroit plus facilement. Las & cobien seroit meilleur, qu'il y eust au monde vn seul langage naturel, que d'employer tant d'années pour apprédre des motz: & ce iusques à l'aage bien souuent, que n'auons plus ny le moyé, ny le loysir de vaquer à plus grades choses. Et certes songeant beaucoup de fois, d'ou prouient que les hommes de ce siecle generalemet sont moins scauans en toutes sciences, & de moindre prix que les anciens, entre beaucoup de raysons se treu ue cete cy, que i'oseroy', dire la principale: c'est l'Etude des langues Grecque, & Latine. Car si le Tens, que nous consumons à reprendre les dites langues, estoit employé à l'etude des Sciences, la Nature certes n'est point deuenue si brehaigne, qu'elle n'enfentast de nostre Tens des Platons,& des Aristotes. Mais nous, qui ordinairement affectons plus d'estre veuz scauans, que de l'estre, ne consumons pas seulement nostre ieunesse en ce vain exercice: mais comme nous repentans d'a-

uoir laissé le Berseau, & d'estre deuenuz Hommes, retournons encor'en Enfance, & par l'espace de xx.ou xxx.ans ne faisons autre chose qu'apprendre a parler, qui Grec, qui latin, qui Hebreu. Les quelz ans finiz, & finie auecques eux ceste vigueur & promptitude, qui naturellement regne en l'Esprit des ieunes hommes, alors nous procu rons estre faictz Phylosophes, quad pour les maladies, troubles d'afaires domestiques, & autres empeschementz qu'ameine le Tens, nous ne som mes plus aptes à la speculation des choses. Et bié souuent etonnez de la difficulté, & longueur de apprédre des motz seulement, nous laissons tout par desespoir, & hayons les lettres premier que les ayons goutees, ou commécé à les aymer, fault il donques laisser l'etude des langues ? non, d'autant que les Ars & Sciences sont pour le present entre les mains des Grecz & latins. Mais il se deuroit faire à l'auenir qu'on peust parler de toute chose, par tout le monde, & en toute langue. l'entens bien que les Proffesseurs des lagues ne seront pas de mon opinion, encores moins ces venerables Druydes, qui pour l'ambicieux desir, qu'ilz ont d'estre entre nous ce, qu'estoit le Phylosophe Anacharsis entre les Scythes, ne craignet rien tant, que le Secret de leurs mysteres, qu'il fault ap prendre d'eux, non autrement que iadis les iours des Chaldees, soit descouuert au Vulgaire: & que on ne creue (comme dict Ciceron) les yeulx des Corneilles. A ce propos, il me souvient auoir ouy dire maintesfois à quelques vns de leur academie, que le Roy François. le dy celuy François, à qui la France ne doit moins qu'à Auguste Romme auoit deshonnoréles Sciences, & laissé les Doctes en mespris. O Tens? à Meurs à crasse Ignorance, n'entédre point que tout ainsi qu'vn mal, quand il s'estent plus long, est d'autant plus pernicieux, aussi est vn bien plus pi ofitable, quad plus il est commun. Et s'ilz veulent dire (comme aussi disent ilz) que d'autat est un rel bien moins excellent, & admirable entre les Hommes. le repondiay, qu'vn si grand appetit de Gloire, & vne telle Enuie ne deuroit regner aux Coulonnes de la Republique Chrestienne: mais bien en ce Roy ambicieux qui se plaignoit à son Maistre pour ce qu'il auoit diuulgué les Sciences Acroamatiques c'est à dire, qui ne se peuvent apprendre que par l'Audition du Precepteur. Mais quoy? ces Geans Ennemis du Ciel veulent ilz limiter la puissance des Dieux, & ce qu'ilz ont par vn singulier benece donné aux Hommes, restreindre, & enserrer en la Main de ceux, qui n'en scauroiet faire bonne garde? Il me souvient de ces Reliques : qu'on voit seulement par vne petite Vitre, & qu'il n'est permistoucher auecques la Main. Ainsi veullent ilz faire de toutes les Disciplines, qu'ilz tiennent enfermees dedans les liures Grecz, & Latins, ne permettent que on les puisse voir autrement; ou les trasporter de ces paroles mortes en celles, qui sont viues, & volent ordinairement par les Bouches des Hommes. lay (ce me semble) den assez contenter ceux, qui disent, que nostre Vulgaire est trop vil & barbare, pour traiter si haultes Matieres que la Philosophie. Et s'ilz n'en sont encores bien satisfaiz, ie leur demanderay : Pourquoy donques ont voyagéles Anciens Grecz par tant de pais & dangers, les vns aux Indes, pour voir les Gymnosophistes, les autres en Egypte, pour emprunter de ces vieux prestres, & prophetes ces grandes richesles, dont la Grece est maintenant, si superbe? Et toutefoys ces nations, ou la Phyloso phie à si voluntiers habité, produysoient (ce croy ie) des personnes aussi barbares, & inhumaines, que nous sommes: & des paroles aussi erranges, que les nostres. Bien peu me soucyroy-ie de l'elegance d'Oraison, qui est en Platon & en Aristore, si leurs liures sans raison estoient ecritz. La Phylosophie vrayement les à adoptez pour ses filz, non pour estre nez en Grece: mais pour auoir d'vn hault sens bien parlé, & bien ecrit d'elle. La veritési bien par eux cherchee, la disposition & l'ordre des choses, la sentécieuse brefueté de l'vn, & la divine copie de l'autre est propre à eux, & non à autres: mais la Nature, dont ilz ont si bien parlé est Mere de tous les autres, & ne dedaigne point se faire congnoître à ceux qui procurent auecques toute industrie entendre ses secrez non pour deuenir Grecz, mais pour estre faictz Phylosophes. Vray est que pour auoir les Ars, & Sciences tousiours eté en la puissance des Grecz, & Romains plus studieux de ce, qui peut rendre les Hommes immortelz, que les autres, nous croyons que par eulx seulement elles puyssent, & doyuent este traictees. Mais le Tens viendra parauenture (& ie suplye au Dieu tresbon, & tres grand, que ce soit de nostre Aage ; que quelque

bonne personne non moins hardie, qu'ingenieuse, & scauante: non ambicieuse, non craignant l'enuie, ou hayne d'aucun, nous otera cete faulse persuasion, donnant à nostre langue la fleur, & le fruict des bonneslettres, autrement si l'affection: que nous portous aux langues etrangeres (quelque excellence, qui soit en elles) empetehoit cete notre si grande felicité, elles seroiet dignes veritablement non d'enuie, mais de hayne, non de fatigue, mais de facherie, elle seroient dignes finablement d'estre non apprises, mais reprises de ceux, qui ont plus de besoing du vif intellect de l'Esprit, que du son des paroles mortes. Voyla quat aux Disciplines. le reuiens aux poetes, & orateurs principal obiect de la matiere, que ie traite, qui est l'ornement, & illustration de notre langue.

> Qu'il est impossible d'egaler les Anciens en leurs Langues.

CHAP. XI.

Outes personnes de bon Esprit entendront assez, que cela, que r'ay dict pour la dessence de notre langue, n'est pour decouratger aucun de la Grecque & Latine: car tant s'en fault, que ie soye de cete opinion, que ie confesse, & soutiens celuy ne pouvoir faire œuvre excellent en son vulgaire, qui soit ignorant de ces deux langues, ou qui n'entende la Latine pour le moins. Mais ie seroy bien d'auis qu'apres l'eau oir apprises, on ne de-

prisast la sienne: & que celuy qui par vne inclination naturelle (ce qu'on peut iuger par les œuures Latines & Thoscanes de Petrarque, & Boccace: voire d'aucuns scauans hommes de nostre Tens) se sentiroit plus propre à ecrire en sa Langue, que en Grecoven Latin, l'etudiast plus tost à serendre immortel entre les siens, ecriuant bien en son vulgaire, que malecriuant en ces deux autres langues, estre vil aux doctes pareillement & aux indoctes. Mais fil sen trouvoit encores quelques vns de ceux, qui de simples paroles font tout leur Art & Science en soite que nommer la langue Grecque & Latine, leur semble parler d'vne langue diuine: & parler de la vulgaire, nommer vne langue inhumaine, incapable de toute erudition, s'il s'en trouvoit de telz, dy ie, qui voulussent saire des braues, & deprifer toutes choses ecrites en François le leur demanderoy' voluntiers en ceste sorte. Que pensent doncq' faire ces Reblanchisseurs de murailles: qui iour & nuye se rompent la teste à immiter : que dy ie immiter ? Mais transcrire vn Virgile & vn Cicero? batisfant leur Poemes de Hemystyches de l'vn, & iurant en leurs profes aux motz & sentences de l'autre: son geant, comme à dict quelqu'vn, des Peres conscriptz, des Cosalz, des Tribuns, des Commices, & toute l'antique Rome, non autrement qu'Homere, qui en sa Batracomyomachie adapteaux Raz, & Grenoilles les magnifiques Tiltres des Dieux & Deesses. Ceux la certes meritent bien la punition de celuy, qui rauy au Tribunal du grad luge, repondit qu'il etoit Ciceronien. Pensent ilz

donques ie ne dy egaler: mais aprocher seulemet de ces Aucteurs, en leurs langues? recueillant de cet Orateur, & de ce Poete ores vn Nom, ores vn Verbe, ores vn Vers, & ores vne Sentence:comme sien la façon qu'on rebatist vn vieil Edifice, il l'attendoient rendre par ces pierres ramassées à la ruynee Fabrique de ces lagues, sa premiere gradeur & excellence. Mais vous ne serez ia si bons Massons (vous, qui estes si grands Zelateurs des langues Grecque & Latine) que leur puissiez ren dre celle forme, que leur donnerent premierement ces bons & excellés Architectes, & si vous esperez (come fist Esculape des Membres d'Hyppolyte) que par ces fragmetz recueilliz, elles puissent estre resuscitees, vous vous abusez : ne pensant point qu'à la cheute de si superbes Edifices coniointe à la ruyne fatale de ces deux puissantes Monarchies, vne partie deuint poudre, & l'autre doit estre en beaucoup de pieces, les quelles vouloir reduire en vn, seroit chose impossible: outre que beaucoup d'autres parties sont demeurées aux fondementz des vieilles Murailles, ou egarées par le long cours des Siecles, ne se peuvent trouuer d'aucun. Parquoy venant à r'edifier cete Fabrique, vous serez bien loing de luy restituer sa premiere grandeur, quand ou souloit estre la Sale, vous ferez parauanture les Chambres, les Etables, ou la Cuysine, confundant les Portes, & les Fenestres, bref changeant toute forme de l'Edifice. Finablement i'estimeroy' l'Art pouvoir exprimer la viue Energie de la Nature, si vous pouviez rendre cete Fabrique renouvelée sem-

11. 3

blable à l'antique, etant manque l'Idee, de laquelle faudroit tyrer l'exemple pour la r'edifier. Et ce (afin d'exposer plus clerement ce que i'ay dict) d'autant que les anciens vsoient des langues, queilz auoient succees auecques le laict de la Nourri ce, & aussi bien parloiet les Indoctes, comme les Doctes, si non que ceux cy aprenoient les Disciplines, & l'art de bien dire, se rendat par ce moyé pl' eloqués que les autres. Voyla pourquoy leurs bienheureux siecles etoient si fertiles de bo Poetes, & orateurs. Voyla pour quoy les femmes mesmes aspiroient à ceste gloire d'eloquence, & erudition comme Sapho, Corynne, Cornelie, & vn milier d'autres, dont les noms sont coioings auecques la memoire des Grecz & Romains. Ne pen sez donques immitateurs, Troupeau seruil, parue nir au point de leur excellence: veu qu'à grad' pei ne auez vous appris leurs motz, & voyla le meilleur de vostre aage passé. Vo° desprisez nostre vul gaire, parauenture non pour autre raison, sinon que des enfance, & sans etude nous l'apprenons, les autres auecques grad' peine & industrie. Que sil etoit comme la Grecque, & Latine, pery & mis en reliquaire de liures, ie ne doute point que il ne feust (ou peu s'en faudroit) aussi dificile à apprendre comme elles sont. l'ay bien voulu dire ce mot, pource que lá curiofité humaine admire trop plus les choses rares, & difficiles à trouver, bien qu'elles ne soient si commodespour l'vsaige de la vie, comme les odeuts, & les Gemmes, que les communes & necessaires, comme le Pain & le vin. Iene voy pourtant qu'on doyue estime

c ii

vne langue plus excellente que l'autre, seulemét pour estre plus difficile, si on ne vouloit dire que Lycophron seust plus excellet qu'Homere, pour estre plus obscur, & Lucrece que Virgile, pour ceste mesme raison.

Deffence de l'Aucteur.

CHAP. XII.

EVX qui péseront que ie soye trop grad admirateur de ma lan gue, aillent voir le premier liure des fins des biens & des maulx, fait par ce pere d'Eloquence lati ne Ciceron, qui au commence-

ment dudict liure, entre autres choses, repond à ceux qui deprisoient les choses ecuites en Latin, & les aymoient mieulx lire en Grec. La conclusion du proposest, qu'il estime la langue Latine, non seulement n'estre pauure, comme les Romains estimoiet lors, mais encor'estre plus riche, que la Grecque. Quel ornement, dit il, d'Oraylon copieuse, ou elegante à defaily ie diray à nous, ou aux bons Orateurs, ou aux poetes, depuis qu'ilz ont eu quelqu'vn qu'ilz peussent immiter? le ne veux pas donner si hault loz à notre langue, pour ce qu'elle n'a point encores ses Cicerons & Virgiles: mais i'ose bien asseurer que siles scauans Hommes de notre Nation, la daignoient autant estimer, que les Romains faisoient la leur, elle pourroit quelque fois, & bien tost se mettre au ranc des plus fameuses. Il est tens de clorre ce pas, à sin de toucher particulierement les principaux poinctz de l'Amplisication, & ornement de notre langue. En quoy, Lecteur, ne t'ebahis, si ie ne parle de l'Orateur, comme du Poete. Car outre que les vertuz de l'vn sont pour la plus grand part communes à l'autre, ie n'ignore point qu'Etienne Dolet, Homme de bon iugement en notre vulgaire, à formé l'Orateur François, que quelqu'vn (peut estre) amy de la memoire de l'Aucteur, & de la France mettra de rechef, & sidelement en lumière.

ce d'illustration de la Langue Francoise.

ouppying my des yeur, by des orgilles, ny dini-

an article at the continue is compared by the factor of the

dosa cogi suon et de la pentebacomme ces feless.

que Piaros colostituoir en contescholes, aufquella

les aintique a voi cerraine Especesinaginacion, so

refere tout se qu'au pourvoir. Cela certamentent

of de plus wispegrand foregon, & loyfit, qualet

nica, & jointersy avoir beaucoun meeted des

mirens, fine leur institre tenfontent aute aut en le

doy le chen de quelle do con y me pour le ain-

the allowed by the strength and added and the strength an

resider, independent production out.

condition of the first color course

is (not aften. Or ne veus je en co failant, iiii a , ne ce staine figure de Poete, que-

LE SECOND

FENCE ET ILLVftration de la Langue Françoise.

De l'intention de l'Auteur.

OVR ce que le Poete & l'Orateur sont comme les deux piliers qui soutiennent l'Edifice de chacune langue, laissant celuy que ie entens auoir esté baty par les autres, i'ay biévoulu pour le deuoir

en quoy ie suys obligé à la Patrie, tellement quellement ebaucher celuy qui restoit : esperant que par moy, ou par vne plus docte main, il pourra receuoir sa perfection. Or ne veux ie en ce faisant, feindre come vne certaine figure de Poete, queon ne puysse ny des yeux, ny des oreilles, ny d'aucun sensaperceuoir, mais comprendre seulement de la cogitation & de la pensee: comme ces Idees, que Platon constituoit en toutes choses, ausquelles ainsi qu'à vne certaine Espece imaginative, se refere tout ce qu'on peutvoir. Cela certainement est de plus trop grand scauoir, & loysir, que le mien, & penseray auoir beaucoup merité des miens, si ie leur montre seulement auecques le doy le cheminqu'ilz doyuét suyure pour attaindre à l'excellence des Anciens, ou quelque autre, peut estre, incité par nostre petit labeur les conduyra auecques la main. Mettons donques pour le commencemet ce que nous auons (ce me semble)assez prouué au I. liure. C'est que sans l'immitation des Grecz & Romains nous ne pouuons donner à notre langue l'excellece & lumiere des autres plusfameuses. le scay que beaucoup me reprendront, qui ay ofé le premier des François introduyre quasi comme vne nouuelle Poesse, ou ne se tiendront plainement satisfaictz, tant pour la brefueté, dont i'ay voulu vser, que pour la diuersité des Espris, dont les vns treuuent bon ce que les autres treuuent mauuais. Marot me plaist, dit quelqu'vn, pour ce qu'il est facile, & ne l'eloingne point de la commune maniere de parler. Heroet, dit quelque autre, pour ce que tous ses vers sont doctes, graues & elabourez, les autres d'vn autre se delectent. Quat à moy telle supersti tion ne m'a point retiré de mo entreprinse : pour ce qu'ay touhours estimé notre Poesse Françoise estre capable de quelque plus hault & meilleur Style, que celuy, dont nous sommes si longuement contentez. Disons donques breuement ce que nous semble de notz Poetes François,

Des Poetes Francois.

CHAP. II.

E tous les anciens Poetes François, quasi vn seul Guillame du Lauris, & Ian de Meun sont dignes d'estre leuz, non tant pour ce qu'il y ait en eux beaucoup de choses, qui se doyuent immiter des Modernes comme pour y voir quasi comme vne premiere Imaige de la langue Françoise, venerable pour son antiquité. le ne doute point que tous les peres cryroient la hote estre perdue, si i'osoy' teprendre, ou emender quelque chose en ceux que leunes ilz ont appris, ce que ie ne veux faire aussi, mais bien soutiens-ie que celuy est trop grand Admirateur de l'Ancienneté, qui veut defrauder les Ieunes de leur gloire meritee, n'estimant rien, comme dict Horace, si non ce que la mort à sacré, comme si le Tens, ainsi que les vins, rendoit les Poesses meilleures. Les plus recens, mesmes ceux qui ont eté nomez par Clement Marot en vn certain Epygramme à Salel, sont assez congneuz par leurs Oeuures. I'y renuoye les Lecteurs, pour en faire ingement. Bien diray-ie, que lan le Maire de Belges, me semble auoir premier Illustré & les Gaules, & la Langue Françoise, luy donnant beaucoup de morz, & manieres de parler poetiques, qui ont bien seruy mesmes aux plus excellens de notre Tens. Quand aux Modernes, ilz seront quelques foysassez nommez, & si i'en vouloy' parler, ce seroit seulement pour faire changer d'opinion, à quelques vns ou trop iniques, ou trop seueres Estimateurs des choses qui tous les jours treuuent à reprendre en trois, ou quatre des meilleurs, disant, qu'en l'vn default ce quiest le commencement de bien ecrire, c'est le scauoir, & auroit augmétésagloire de la moitié, si de la moitié il eust diminuéson Liure. L'autre outre sa Ryme, qui n'est par tout bien riche, est tat denué de tous ces

delices & aornemens poetiques, qu'il merite plus le nom de Phylosophe, que de poete. Vn autre pour n'auoir encores rien mis en lumiere souz son nom, ne merite, qu'on luy donne le premier lieu: & semble (disent aucuns) que par les ecriz de ceux deson Tens, il veille eternizer son nom, non autrement que Demade est ennobly par la contentio de Demosthene, & Hortense, de Ciceron. Que si on en vouloit faire iugement au teul rapport de la Renommée, on rendroit les vices d'iceluy egaulx, voyre plus grands, que ses verrus, d'autant que tous les jours se lysent nouveaux Ecriz soubz son Nom à mon auis aussi eloignez d'aucunes choses, qu'on m'a quelquesfois asseuré etre de luy, comme en eulx n'y any grace, ny erudition. Quelque autre voulat trop l'eloingner du vulgaire, est tumbé en obscurité aussi difficile à eclersir en ses Ecriz aux plus Scauans, comme aux plus ignates. Voyla vne partie de ce que i'oy dire en beaucoup de lieux des meilleurs de notre Langue. Que pleust à Dieu le Naturel d'un chacun estre aussi cadide à louer les vertuz, comme diligent à observerles vices d'autruy. La Tourbe de ceux (hors mis cinq ou six) qui suyuent les principaulx, comme Port'enleignes, est si mal in-Aruicte de toutes choses, que par leur moyen notre vulgaire n'a garde d'etendre gueres loing les Bornes de son Empire. Et si 'etoy' du nombre de ces anciens Critiques luges des Poemes, comme vn Aristarque, & Aristophane, ou (f'il faule ainsi parler) vn Sergent de Bande en notre Langue Françoise, i'en mettroy' beaucoup hors de la battaille si mal armez, que se siant en eux, nous serions trop eloingnez de lavictoire, ou nous deuons aspirer. Ie ne doute point que beaucoup, principalement de ceux, qui sont accommodez à l'opinion vulgaire, & dont les tendres Oreilles, ne peuvent rien souffrit au desauantage de ceux, qu'ilz ont dessa receuz comme Oracles, trouverront mauuais de ce, que i'ose si librement parler, & quasi comme luge souverain pronuncer de noz Poetes François: mais si i'ay dit bien, ou mal, ie m'en rapporte à ceux, qui sont plus amis de la verité, que de Platon, ou Socrate: & ne sont immitateurs des Pythagoriques, qui pour toutes raisons n'alleguoient si nó, cetuy la l'a dir. Quat à moy, si i'etoy enquis de ce, que me semble de noz meilleurs Poetes Fraçois, ie diroy'à l'exemple des Stoiques, qui interroguez si Zenon, si Cleante, si Chrysippe sont Saiges, repondent ceux la certainement auoir estégrands & venerables, n'auoir eu toutesfois ce, qui est le plus excellent en la Nature de l'Homme, ierepondroy' (dy-ie)qu'ilz ont bien ecrit, qu'ilz ont illustré no tre langue, que la France leur est obligée: mais aussi diroy-ie bien, qu'on pourroit trouuer en no tre langue (si quelque scauant Homme y vouloit mettre la main) vne forme de Poesse beaucoup plus exquise, laquelle il faudroit chercher en ces vieux Grecz, & Latins, non point es Aucteurs François: pour ce, qu'en ceux cy on ne scauroit prendre, que bien peu, comme la peau & la couleur, en ceux la on peut prendre la chair, les oz, les nerfz, & le sang. Et si quelqu'vn mal aysé à contenter ne vouloit prendre ces raisons en paye ment, ie diray (afin de n'estre veu examiner, les choses si rigoreusement sans cause) qu'aux autres Ars & Sciences la mediocrité peut meriter quelque louange:mais aux Poetes ny les Dieux, ny les Hommes, ny les Coulonnes n'ont point concedéestre mediocres, suyuant l'opinion d'Horace, que ie ne puis assez souvent nommer : pour ce qu'es choses, que ie traicte, il me semble auoir le Cerucau myeux purgé, & le Nez meilleur, que les autres. Au fort comme Demosthene repodit quelquefois à Echines, qui l'auoit repris, de ce qu'il vsoit de motz apres & rudes, de telles choses ne depêdre les fortunes de Grece: aussi dirayie, si quelqu'vn se fache dequoy ie parle si librement, que de là ne dependent les Victoires du Roy Henry, à qui Dieu vueille donner la felicité d'Auguste, & la bonté de Traian. l'ay bien voulu (Lecteur studieux de la langue Fracoise) demeurer longuement en cete partie, qui te semblera (peut estre) contraire à ce, que i'ay promis: veu que ie ne prise assez haultement, ceux qui tiennent le premier lieu en nostre vulgaire, qui auoy' entrepris de le louer & desfendre: Toutesfois ie croy que tu ne le trouveras point etrange, si tu consideres que ie ne le puis mieux desendre, que attribuant la pauureté d'iceluy non à son propre, & naturel : mais à la negligence de ceux, qui en ont pris le gouvernemet, & ne te puis mieux per suader d'y ecrire, qu'en te montrant le moyen de l'enrichir, & illustrer, qui est l'Imitation des Grecz, & Romains.

Que le Naturel n'est suffisant à celuy qui en Poesse veult faire œuure digne de l'immortalité.

CHAP. III.

A I S pource qu'en toutes langues y en à de bos & de maunais, ie ne veux pas (lecteur) que sans election & jugement tu te pren nes au premier venu. Il vaudroit beaucoup mieux ecrire sans im-

miration, que ressembler vn maunais Aucteur. Veu mesmes, que c'est chose accordée entre les plus scauans le Naturel faire plus sans la Doctrine, que la Doctrine sans le Naturel: Toutesfois d'autant que l'amplification de notre langue (qui est ce que ie traite) ne se peut faire sans Doctrine & sans Erudition, ie veux bien auertir ceux qui aspiret à ceste gloire, d'immirer les bos Aucteurs Grecz & Romains, voyre bien Italiens, Hespagnolz & autres: ou du tout n'ecrire point sinon à soy, comme on dit, & à ses Muses. Qu'on ne m'allegue point icy, quelques vns des nostres, qui sans doctrine, à tout le moins non autre, que mediocre, ont acquis grand bruyt en notre vulgaire. Ceux qui admirent voluntiers les petites choses, & deprisent ce qui excede leur iugement, en seront tel cas qu'ilz vouldront: mais ie scay bien que les scauans ne les mettrot en autre ranc, que de ceux qui parlent bien François, & qui ont comme disoit Ciceron des anciens Aucteurs

Romains) bon Esprit, mais bien peu d'artifice. Qu'on ne mallegue point aussi que les Poetes naissent, car cela s'entend de ceste ardeur, & allegresse d'Esprit, qui naturellement excite les Poetes, & sans laquelle toute doctrine leur seroit mãque & inutile. Certainement ce seroit chose trop facile, & pourtant contemptible, se faire eternel par Renommée, si la felicité de Nature donnée mesmes aux plus indoctes; etoit suffisante pour faire chose digne de l'immortalité. Qui veut voler par les mains & bouches des Hommes, doit longuement demourer en sa chambre, & qui desire viure en la memoire de la posterité, doit com me mort en soymesmes suer, & trébler maintesfois: & autant que notz Poetes Courtizans boyuent, mangent & dorment à leur oyse, endurer de faim, de soif & de longues vigiles. Ce sont les esles, dont les escriz des hommes volent au ciel. Mais afin que ie retourne au commencement de ce propos, regarde nostre immitateur premierement ceux, qu'il voudraimmiter, & ce qu'en eux il pourra, & qui se doit immiter pour ne f ire come ceux, qui voulans aparoitre semblables à quel que grand seigneur, immiteront plus tost vn petit geste & facon de faire vicieuse de luy, que ses vertus & bonnes graces. Auat toutes choses, fault qu'il ait ce iugement de cognoitre ses forces, & tenter combien ses Espaules peuvent porter: qu'il fonde diligemment son naturel, & se compose à l'immitation de celuy, dot il se sentira approcher de plus pres. Autrement son immitation ressembleroit celle du Singe.

Quelz genres de Poemes, doit elire le Poett François.

CHAP. IIII.

Y, doques, & rely premieremet,

o Poete futur, fueillete de main
nocturne & iournelle, les exemplaires Grecz & Latins, puis me
laisse toutes ces vieilles Poesses
Françoises aux Ieux Floraux de
Tholouze, & au puy de Rouan: come Rodeaux,
Ballades, Vyrelaiz, Chantz Royaulx, Chansons,
& autres telles episseries, qui corrumpét le goust

Ballades, Vyrelaiz, Chantz Royaulx, Chansons, & autres telles episseries, qui corrumpét le goust de notre langue, & ne seruent sinon à porter temoingnaige de notre ignorace. léte toy à ces plai sans Epigrammes, non point comme font au iour d'huy vn tas de faiseurs de comtes nouueaux, qui en vn dizain sont contes n'auoir rien dit quivaille au ix. premiers vers, pourueu qu'au dixiesme il y ait le petit mot pour rire, mais, à l'immitation d'vn Martial, ou de quelque autre bié approuué, si la lasciuité ne te plaist, messe le profitable auecques le doulz. Distile auecques vn style coulant, & non scabreux ces pitoyables elegies, à l'exemple d'vn Ouide, d'vn Tibule, & d'vn properce, y entremessant quelquessois de ces fables anciennes, non petit ornement de poesse. Chante moy ces Odes, incongnues encor' de la Muse Françoise, d'vn Luc bien accordé au son de la Lyre Greeque & Romaine, & qu'il n'y ait vers, ou n'apatoisse quelque vestige de rare, & antique erudition. Et quantace, te fourniront de matiere les

louan-

louange des Dieux, & des Hommes vertueux, le discours fatal des choses mondaines, la solicitude des ieunes hommes, comme l'amour, les vins libres, & toute bonne chere. Sur toutes choses, prens garde que ce genre de Poeme soit eloingné de vulgaire, enrichy, & illustré de motz propres, & Epithetes non oysifz, orné de graues sentences, & varié de toutes manieres de couleurs, & or nemens Poetiques: non comme vn Laissez la ver de couleur, Amour auecques Psyches. O combien est heureuse: & autrestelz ouuraiges, mieux dignes d'estre nomez Chansons vulgaires, qu'Odes, ou vers Lyriques. Quant aux Epistres, ce ne est vn Poeme, qui puisse grandement enrichir no stre vulgaire, pource, qu'elles sont voluntiers de choses familieres & domestiques, si tu ne les vou lois faire à l'immitation d'Elegies, comme Ouide: ou sentencieuses & graues, comme Horace. Autatte dy- ie des Satyres, que les François, ie ne scay coment ont apellees Coqz à l'Asne: esquelz ie te conseille aussi peu t'exercer, come ie te veux estre aliene de mal dire, si tu ne voulois à l'exemple des anciens en vers Heroiques (c'est à dire de xàxi) & non seulement de viii à ix, soubz le nom de Satyre, & non de cete inepte appellation de Coq, à l'Asne, taxer modestemet les vices de ton Tens, & pardonner aux nos des personnes vicieu ses. Tu has pour cecy Horace, qui selon Quintilian, tient le premier lieu entre les Satyriques. Sonne moy ces beaux Sonnetz, non moins docte, que plaisante Invention Italienne, conforme de Nom à l'Ode, & differente d'elle seulement,

d

pource que le Sonnet à certains Vers reiglez & limitez: & l'Ode peut courir par toutes manieres de Vers librement, voyre en inuenter à plaisir à l'exemple d'Horace, qui à chanté en xix. sortes de Vers come disent les Grammatiens. Pour le Sonnet donques tu as Petrarque, & quelques modernes Italiens. Chante moy d'vne Musette bien resonnate, & d'vne Fluste bien iointe ces plaisantes Ecclogues Rustiques à l'exemple de Theocrit & de Virgile: Marines à l'exemple de Sennazar gentilhomme Neapolitain. Que pleust aux Muses, qu'en toutes les especes de Poesie, que i'ay nommees nous eussions beaucoup de telles immitations, qu'est cete Ecclogue sur la naissance du filz de monseigneur le Dauphin, à mongrévn des meilleurs petis ouurages, que fist onque Marot. Adopte moy aussi en la famille Françoise ces cou las & mignars Hendecasyllabes à l'exemple d'vn Catule, d'vn Pontan, d'yn Secod, ce que tu pourras faire, si non en quatité, pour le moins en nom bre de Syllabes. Quar aux Comedies, & Tragedies, si les Roys, & les Republiques les vouloient restituer en leur ancienne dignité, qu'ont vsurpee les Farces & Moralitez, ie seroy' bien d'opinion que tu ty employasses, & si tu le veux faire pour l'ornement de ta langue, tu scais ou tu en dois rrouuer les Archetypes. do control vosa inchesi ol lest

istance your character very son

balance has stocked some

than 110 to by difference d'elle teulume

Dulong Poeme Francois.

CHAP. V.

ONQVES d'toy qui doue de vne excelléte felicité de nature, instruict de tous bons ars & scié ces, principalement Naturelles, & Mathematiques, verséen tous genres de bons Aucteurs Grecz

& Latins, non ignorant des parties & offices de la vie humaine, non de trop haulte condition, ou ap pelléau regime publiq', non aussi abiect & pauure, no troublé d'afaires domestiques: mais en repos & tranquilité d'esprit, acquise premieremet par la magnanimité de ton courage, puis entretenue par ta prudéce & sage gouvernement, ò toy (dy-ie) ornéde tant de graces & perfections, si tu as quelque fois pitié de ton pauure langaige, si tu daignes l'enrichir de tes thresors, ce sera toy veritablement qui luy fera hausser la teste, & d'vn braue sourcil s'egaler aux superbes Langues Greque & Latine, comme à fait de nostre Tens en son vulgaire vn Arioste Italien, que i'oseroy'(ne estoit la saincteté des vieux Poemes) comparer a vn Homere & Virgile. Comme luy donq', qui à bien voulu emprunter de notre langue les noms, & l'Hystoire de son Poeme, choysi moy quelqu'vn de ces beaux vieux Romás François, comme vn Lancelot, vn Tristan, ou autres: & en fay renaitre au monde vn admirable Iliade, & laborieuse Eneide. Ie veux bien en passant dite vn mot à ceux quine s'employent qu'a orner & am-

d 11

plisier notz Romans, & en font des liures certainement en beau & fluide langaige, mais beau. coup plus propre à bien entretenir Damoizelles, qu'a doctement ecrire : ie voudroy' bien (dy-ie) les auertir d'employer cete grande eloquence à recuillir ces fragmentz de vieilles Chroniques Françoises, & comme à fait Tite Liue des Annales, & autres anciennes Chroniques Romaines, en batir le cors entier d'vne belle Histoire, y entremeslant à propos ces belles concions, & Harangues à l'immitation de celuy que ie viens de nommer, de Thucidide, Saluste, ou quelque autre bien approuué, selon le genre d'ecrire, ou ilz se sentiroient propres. Tel Oeuure certainement seroit à leur immortelle gloire, honeur de la Fran ce, & grande illustration de nostre langue. Pour reprédre le propos que i'auoy' laissé. Quelqu'vn (peut estre) trouuerra etrange, que ie requiere vne si exacte perfection en celuy, qui voudra faire vn long Poeme, veu aussi, qu'à peine se trouuerroient, encores qu'ilz fussent instruictz de toutes ces choses, qui voulussent entreprédre vn œuure de si laborieuse longueur, & quasi de la vie d'vn homme. Il semblera à quelque autre, que voulat bailler les moyens d'enrichir nostre langue, ie face le contraire, d'autant que ie retarde plus tost & refroidis l'etude de ceux qui etoiet bie affectionnez à leur vulgaire, que ie ne les incite, pource que debilitez par desespoir ne voudront point es sayer ce, à quoy ne l'attendront de pouvoir paruenir. Mais c'est chose conuenable, que toutes choses soient experimétees de tous ceux qui desirent attaindre à quelque hault point d'excellen ce & gloire non vulgaire. Que si quelqu'vn n'a du tout cete grande vigueur d'esprit, cete parfaite intelligéce des Disciplines, & toutes ces autres commoditez que i'ay nommees, tienne pourtat le cours tel qu'il pourra. Car c'est chose honneste à celuy qui aspire au premier Ranc, demeurer au second, voire au troiziesme. Non Homere seulen tre les Grecz, non Virgile entre les Latins, ont aquis loz & reputation. Mais telle à eté la louange de beaucoup d'autres chacun en son genre, que pour admirer les choses haultes, on ne laissoit pourtant de louer les inferieures. Certainement si nous auions des Mecenes & des Augustes, les cieux & la nature ne sont point si ennemis de no tre siecle que n'eussions encores des Virgiles. L'honneur nourrist les ars, nous sommes touspar la gloire enflammez à l'etude des Sciences, & ne s'elevent iamais les choses qu'on voit estre deprisees de tous. Les Roys & les Princes deuroient (ce me semble) auoir memoire de ce grand Empereur, qui vouloit plus tost la venerable puissance des Loix etre rompue, que les œuures de Virgile condamnees au feu par le testament de l'Aucteur, fussent brulées. Que diray-ie de cet autre grand Monarque, qui desiroit plus le renaitre de-Homere, que le gaing d'vne grosse Battaille? & quelque fois etant pres du Tumbeau d'Achile, l'ecria haultement. O bienheureux Adolescent, qui as trouué vn tel Buccinateur de tes louanges. Et à la verité sans la divine Muse d'Homere, le mesme tumbeau qui conuroit le corps d'Achile

d iii

eust aussi accablé son renom. Ce qu'auient à tous ceux qui mettent l'asseurance de leur immortalité au Marbre, au Cuyure, aux Colosses, aux Pyramides, aux laborieux Edifices, & autres choses non moins subiectes aux iniures du Ciel & du Tens de la flamme, & du fer, que de fraiz excessifz & perpetuelle sollicitude. Les Allechemetz de Venus, la gueule, & les ocieuses plumes ont chassé d'entre les Hommes tout desir de l'immor talité: mais encores est ce chose plus indigne que ceux, qui d'ignorance & toutes especes de vices font leur plus grande gloire, se moquent de ceux quien ce tant louable labeur Poetique employent les heures que les autres cosument au Ieuz, aux Baings, aux Banquez, & autres telz menus plaisirs. Or neantmoins quelque infelicité de siecle, ou nous soyons, toy à qui les Dieux, & les Muses auront eté si fauorables comme i'ay dit, bien que tu soyes depourueu de la faueur des homes, ne laisse pourtant à entreprendre vn œuure digne de toy, mais non deu à ceux, qui tout ainsi qu'ilz ne sont choses, louables, aussi ne font ilz cas d'estre louez: espere le fruiet de ton labeur de l'incorruptibile, & non enuieuse posterité: c'est la Gloire, seule echelle, par les degrez de laquelle les mortelz d'vn pié leger montent au Ciel, & se font compaignons des Dieux. olide A'b mercine I placed a richemista

Aradalaba zugilan bed O. in spering Adalahas

compared the contract of the c

frails remaind the ladione bloke a flament, la

shills A a record noting of the backing prairies

D'inuenter des motz, & quelques autres choses que doit observer le Poete François.

CHAP VI.

A I S de peur que le vent d'affe ction ne pousse mo nauire si auant en cete mer, que ie soye en danger du nausfrage, reprenant la Route que i'auoy' laissee, ie veux bien auertir celuy qui en-

treprendra vn grad œuure qu'il ne craigne point d'inuenter, adopter & composer à l'immitation des Grecz quelques motz François, comme Ciceron sevante d'auoir fait en sa langue. Mais si les Grecz & Latins cussent esté supersticieux en cer endroit, qu'auroiet-ilz ores de quoy magnifier si haultement cete Copie, qui est en leurs langues? Et si Horace permet qu'on puysse en vn long Poeme dormir quelquefois, est-il deffendu en ce mesme endroict vser de quelques motz nouveaux, melmes quand la necessité nous y contraint? Nul, sil n'est vrayment du tout ignare, voire priué de sens commun, ne doute point que les choses n'ayent premierement eté, puis apresles motz auoir estéinuentez pour les signifier: & par cosequent aux nouvelles choses etre necessaire impo ser nouveaux motz, principalement és ars, dont l'vsaige n'est point encores commun & vulgaire, ce qui peut arriver souuet à notre poete, au quel sera necessaire empruter beaucoup de choses non encor' traitées en notre langue. Les ouuriers (afin

d iiii

que le ne parle des sciences liberales) iusques aux Laboureurs mesmes, & toutes sortes de gens mecaniques ne pourroiet conseruer leurs metiers, filz n'vsoient de motz à eux vsitez, & à nous incongnuz. le suis bié d'opinio que les procureurs, & Auocatz vsent des termes propres à leur profession sans rien innouer: mais vouloir oter la liberté à vn scauant homme, qui voudra enrichir sa lague, d'vsurper quelque fois des vocables non vulgaires, ce seroit retraindre nostre lagaige non encor' assez riche soubz vne trop plus rigoreuse Loy, que celle, que les Grecz & Romains se sont donnée. Les quelz combien qu'ilz feussent sans comparaison, plus que nous copieux, & riches, neantmoins ont concedé aux Doctes Hommes vser souvent de motz non acoutumés és choses non acoutumees. Ne crains doques Poete futur, d'innouer quelques termes en vn long Poeme principalement, auecques modestie toutesfois, Analogie, & iugement de l'Oreille, & ne te soucie qui le treuue bon ou mauuais : esperant que la posterité l'approuuera, comme celle, qui donne foy aux choses doubteuses, lumiere aux obscu res, nouueauté aux antiques, vlaige aux no accou tumees, & douceur aux apres & rudes. Entre autres choses, se garde bien notre Poete d'vser de noms propres Latins ou Grecz, chose vrayment aussi absurde, que si tu appliquois vne piece de Velours verd à vne Robe de Velours rouge, mais seroit-ce pas vne chose bien plaisante vser en son ouuraige Latin d'vn Nom propre d'Homme, ou d'autre chose, en François? comme lan currit. Loyre fluit, & autres semblables. Accommode donques telz noms propres de quelque langue, que ce soit à l'vsage de ton vulgaire: suyuat les La-tins, qui pour κράκλης, ont dict Hercules, pour, Anords, Theseus: & dy Hercule, Thesee, Achile, Vlysse, Virgile, Ciceron, Horace. Tu doibz pour tant vser en cela de iugement & discretion, car il ya beaucoup de telz noms, qui ne se peuvent approprier en François, les vns Monosvllabes, comme Mars, les autres dissyllabes, comme Venus, au cuns de plusieurs syllabes, comme Iupiter, si tu ne voulois dire loue, & autres infinitz, dont ie ne te scauroy' bailler certaine reigle. Parquoy ie ren noye tout au jugement de ton oreille. Quant au reste, vse de motz purement François, non toutesfois trop communs, non point aussi trop inusitez, si tu ne voulois quelque fois vsurper, & qua si comme enchasser ainsi qu'vne pierre precieuse & rare, quelques motz antiques'en ton Porme, à l'exemple de Virgille, qui à vséde ce mot Olli, pour Illi. Aulai pour Aulæ, & autres. Pour ce faire te faudroit voir tous ces vieux Romans, & Poetes François, ou tu trouuerras vn Aiourner, pour faire lour (que les Praticiens se sont fait pro pre) Anuyter pour faire Nuyt. Affener, pour frapper, ou on visoit, & proprement d'vn coup de Main, Isnel pour Leger, & mil' autres bons motz que nous auons perdus par nostre negligéce. Ne doute point que le moderé vsage de telz vocables ne donne grande maiessé tant au Vers, comme à la Prose:ainsi que font les Reliques des sain&z aux Croix, & autres sacrez ioiaux dediez aux Temples.

De la Rythme, & des Vers Sans Rythme.

CHAP. VII.

V A N T à la Rythme, ie suy bie d'opinion qu'elle soit riche pour ce qu'elle nous est ce, qu'est la quantité aux Grecz & Latins. Et bien q n'ayons cet vsaige de Piez comme eux, si est ce que nous a-

uons vn certain nombre de Syllabes en chacun Genre de Poeme, par les quelles come par Chesnons le vers François lié & enchainé, est cotraint dese rendre en cete etroite prison de Rythme, soubz la garde le plus souvent d'vne couppe feminine, facheux & rude Geolier, & incongnu des autres vulgaires. Quandie dy, que la Rythme doit estre riche, ie n'entens qu'elle soit contrainte & semblable à celle d'aucuns, qui pensent 2uoir fait vn grad chef d'œuure en François, quad ilz ont rymé vn Imminent, & vn Eminent, vn Misericordieusemeut, & vn Melodieusement: & autres de semblable farine, encores qu'il n'y ait sens ou raison qui vaille, Mais la Rythme de notre Poete sera voluntaire non forcee: receue, non appellee: propre, non aliene: naturelle, non adopriue, bref, elle sera telle que le vers tumbant en icelle ne contentera moins l'oreille, qu'vne bien armonieuse Musique tumbante envn bon & par fait accord. Ces equinoques donq' & ces simples, Rymez auecques leurs composez, come vn bailser & abaisser, filz ne changent, ou augmentent

grandement la signification de leurs simples, me soient chassez bien loing, autrement qui ne voudroit reigler sa Rythme comme i'ay dit, il vaudroit beaucoup mieux ne rymer point: mais faire des vers libres, comme à fait Petrarque en quelque endroit: & de notre Tens le Seigneur Loys Aleman en sa non moins docte que plaisante agriculture. Mais tout ainsi que les Peintres & statuaires mettent plus grand' industrie à faire beaux & bien proportionnez les corps qui sont nudz, que les autres: aussi faudroit-il bien que ces Vers no rymez, feussent bié charnuz & nerueuz: afin de compenser par ce moyen le default de la Rythme. le n'ignore point que quelques vns ont fait vne diuision de Rythme, l'vne en son, & l'autre en ecriture, à cause de ces dyphthogues Ai. Ei. Oi.faisant conscience de rymer maitre & prestre, Fontaines & Athenes, connoître & naitre. Mais ie ne veux que notre Poete regarde si supersticieusement à ces petites choses, & luy doit suffire que les deux dernieres syllabes soient vnisones, ce qui arriveroit en la plus grand' part tant en voix qu'en ecriture, si l'orthographe Françoise n'eust point eté deprauce par les Praticiens. Et pour ce que Loys Mégret non moins amplement que do ctement à traité cete partie, le cteur, ie te renuoye à son liure: & feray sin à ce propos, t'ayant sans plus auerti de ce mot en passant, c'est que tugardes de rythmer les motz manifestement longs auec les brefz, aussi manifestement brefz, comme vn passe & trace, vn maitre & mettre, vn cheuelure & hure, vn bast & bat, & ainsi des autres.

De cemot Rythme, de l'invention des Vers rymez, & de quelques autres Antiquitez Vsitees en nostre Langue.

CHAP. VIII.

OVT ce qui tumbe soubz quel-

que mesure & iugement de l'Oreille(dit Ciceron)en Latin sappelle Numerus, en Grec pub mos, non point seulemet au Vers, mais àl'Oraison. Parquoy improprement notz Anciens ont astrain tle nom du genre soubz l'Espece appellat Rythme cete consona ce de syllabes à la fin des vers, qui se deuroit plus tost nomer όμοιο τελευτον, c'est à dire finissant de mesmes, l'vne des especes du Rythme. Ainsi, les vers encores qu'ilz ne finissent point en vn mesme son, generalemet se peuuet appeller Rythme: d'autant que la signification de ce mot pud pos est fortample, & emporte beaucoup d'autrestermes come κανών, μετσον μέλος έυφωνον, ακολεθία, τοξις, συγκρισις. Reigle, Mesure, Melodieuse consonace de voix, consequution, ordre & copa= raison. Or quad à l'antiquité de cesvers, que nous appellons rymez, & que les autres vulgaires ont empruntez de no, si ont adiouté foy à Ian le Mai re de Belges diligent rechercheur de l'Antiquité, Bardus v.roy des Gaules en fut inuenteur: & introduysit vne secte de Poetes nomez Bardes, les quelz chătoiet melodieusemet leurs rymes auccques instrumétz, louant les vns, & blamat les autres, & etoient (comme temoingne Dyodore Si.

cilien en son vi. Liure) de si grand' estime entre les Gaullois, que si deux armees ennemies etoient prestes à combattre, & lesditz Poetes se missent entre deux, la Battaille cessoit & moderoit chacun son ire. le pourroy' alleguer assez d'autres antiquitez, dont notre langue auiourd'huy est ennoblie, & qui montrent les Histoires n'etre faulses, qui ont dit les Gaulles anciennement auoir eté florissantes non seulemet en armes, mais en toutes sortes de sciences & bones lettres. Mais cela requiert bienvn œuure entier: & ne seroit aprestant d'excellentes plumes, qui en ont ecrit mesmes de nostre Tens, que retixtre (comme on dit)la toile de Penelope. Semblablement i'ay bien voulu, & ne me semble mal à propos montrer le Antiquiré de deux choses fort vulgaires en notre langue, & non moins anciennes entre les Grecz. L'vne est cete inuersion de lettres en vn propre Nom, qui porte quelque Deuise conuenable à la personne, come en FRANCOIS DE VALOIS, Defacon suis royal. HENRY DE VALOIS, Roy es de nul hay. L'autre est en vn Epigramme, ou quelque autre œuure poetique vne certaine election des lettres capitales disposees en sorte, quelles portet ou le nom de l'Autheur, ou quelque sentence. Quand à l'inversion de lettres que les Grecz appellent ai à gaupano pos l'inter-prete de Lycophron dit en sa vie. En ce tés la florissoit Lycophron, non tat pour la poesse, q pour ce qu'il faisoit des Anagramatismes. Exemple du nodu roy Ptolomee. το τολομούος. Σπο μελιτος. c'est à dire, Emmiellé, ou de miel. De la royne Ar

finoe, qui fut semme dudit Ptolomee. apoivon. noas iov, c'est à dire la Violette de Iupo, Artemidore, aussi le Stoique à laissé en son liure des songes vn chapitre de l'Anagrammatisme, ou il mon tre, que par l'inversion des lettres on peut exposer les songes. Quand à la disposition des Lettres Capitales, Eusebe au liure de la preparation euan gelique dit, que la Sybille Erythree auoit prophetizé de IES VS CHRIST. Preposant à chacun de ses Vers certaines lettres qui declaroiet le dernier Aduenement de Christ. Les dites lettres portoient ces motz: IESVS, CHRISTVS, SER-VATOR, CRVX. Les Vers furet translatez par S. Augustin (& c'est ce qu'on nome les xv. signes du jugement) les quelz se chantet encor en quelques lieux. Les Grecz appellent ceste preposition de lettres, au comencement des vers, axporixis. Ciceron en parle au liure de Diuination: voulant prouuer par cete curieuse diligence q les vers des Sybilles, etoient fairz par artifice, & no par inspiration diuine, Cete mesme antiquité se peut voir en tous les argumes de plaute, dont chacun en les lettres capitales, porte le nom de la Comedie.

> Observation de quelques manieres de parler Francoises.

> > CHAP. IX.

'A Y declaré en peu de paroles, ce qui n'auoit encor'esté (que ie scache) touché de notz rhetoriqueurs Fráçois. Quat aux couppes feminines, apostrophes, ac-

cens, l'émasculin, & l'e feminin, & autres telles choses vulgaires, notre Poete les apprendra de ceux qui en onr escrit. Quant aux Especes de Vers qu'ilz veulent limiter, elles sont aussi diverses que la fantasie des Hommes, & que la mesme Nature. Quant aux vertus & vlces de Poeme si diligemment traités par les Anciens, comme Aristote, Horace, & apres eux Hieronyme Vide. Quant aux figures des sentences & des motz, & toutes les autres parties de l'Eloquution, les lieux de commiseration, de ioye, de tristesse, d'ire, d'admiratió & toutes autres commotions de l'Ame, ie n'en parle point apres si grand nombre d'excellens Phylosophes & Orateurs, qui en ont traicté, que ie veux auoir eté bié leuz & releuz de notre Poete, premier qu'il entreprenne quelque hault & excellent ouurage. Et tout ainsi qu'entre les Aucteurs Latins, les meilleurs sont estimez ceux qui de plus pres ont immité les Grecz. Ie veux aussi que tut'eforces de rendre au plus pres du naturel, que tu pourras la phrase & maniere de parler Latine, en tant que la proprieté de l'vne & l'autre langue le voudra per mettre. Autant teldy-ie de la Greque, dont les facons de parler sont fort approchantes de notre vulgaire, ce que mesmes on peut cognoitre par les Articles, incongneuz de la Langue Latine. Vsez donques hardimet de l'infinitif pour le nom, comme l'Aller, le Chanter, le Viure, le Mourir. De l'Abiectif substantivé, comme le liquide des Eaux, le vuide de l'Air, le fraiz des Vmbres, l'epes des Forestz, l'enroué des Cimballes, pour ueu que

telle maniere de parler adioute quelque grace, & vehemence, & non pas le Chault du feu, le froid de la Glace, le dur du Fer, & leurs semblables. Des Verbes & Participes, qui de leur nature neont point d'infinitifz apres eux, auecques des infinitifz, comme tremblant de mourir, & volant d'y aller, pour craignant de mourir, & se hatant d'y aller. Des Noms pour les Aduerbes, comme ilz combattent obstinez, pour obstineemet il vo le leger, pour legerement, & mil'autres manieres de parler, que tu pourras mieux obseruer par frequente, & curievse Lecture, que ie ne te les scauroy' dire. Entre autres choses ie t'auerty vser souuet de la figure ANTONOMASI E aussifreque te aux Anciens Poetes, comme peu vsitee, voire incongnue des François. La grace d'elle est quand on designe le Nom de quelque chose par ce, qui n'y est propre: comme le Pere foudroyant, pour Jupiter: le Dieu deux fois né, pour Bacchus, la vierge Chasseresse, pour Dyane. Cete figure a beaucoup d'autresespeces, que tu trouuerras chés les Rhetoriciens, & à fort bonne grace principalement aux descriptions, comme depuis ceux, qui voyent premiers rougir l'Aurore iusques la, ou Thetis recoit en ses ondes le filz d'Hyperio pour depuis l'Orient iusques à l'Occident. Tu en as alsez d'autres exemples és Grecz: & Latins, mesmes en ces divines experiences de Virgile, comme du fleuue Glacé, des douze Signes du Zodiaque, de-Iris.des xii Labeurs d'Hercules, & autres. Quant aux Epithetes, qui sont en notz Poetes François la plus grand' part ou Froids, qu'Ocieux, ou mal

à propos, ie veux que tu en vses de sorte que sans eux ce que tu diras seroit beaucoup moindre, comme la flamme devorate, les souciz mordaus, la gehinnante sollicitude, & regarde bien qu'ilz soiet couvenables non seulement à leurs substatifz:mais, aussi à ce que tu decriras, afin que tu ne dies l'Eau' vndoyante, quand tu la veux d'ecrire imperueuse: ou la flamme ardente, quand tu la veux montrer languissante. Tu as Horace entre les Latins fort heureux en cecy, comme en toutes choses. Garde toy aussi de tumber en vn vice commun, mesmes aux plus excellens de notre lague, c'est l'omission des arricles. Tu as exemple de cevice en infiniz endroi ctz de ces petites poes sies Françoises. l'ay quasi oublié vn autre default bien vsité, & de tres mauuaise grace. C'est quand en la Quadrature des vers Heroiques la sentence est trop abruptemet coupee, comme: Si non que tu en motres vn plus seur. Voyla ce que je tevoulois dire breuement de ce que tu doibz obseruet tant au Vers, comme à certaines manieres de parler peu, ou point encor' vsitees des François. Il y en a, qui fort supersticieusemet entremessent les vers Masculins auecques les Feminins, comme on peut voir aux Psalmes traduictz par Marot Ce qu'il à observé (comme ie croy') à fin que plu facilement on les peust chater, sans varier la Mu sique, pour la diversité des meseures, qui se trou uerroient à la fin des Vers. le treuve cete diligen ce fort bone, pour ueu que tu n'en faces point d' religion, iusques à contraindre ta diction, poue obseruer telles choses. Regarde principalement qu'en ton vers n'y ait rien dur, hyulque, ou redun dant. Que les Periodes soient bien ioinctz, numereux, bien remplissans l'Oreille: & telz, qu'ilz n'excedent point ce terme & but, que naturellement nous sentons soit en lisant, ou ecoutant.

De bien prononcer les vers.

CHAP. X.

E lieu ne me semble mal à propos, dire vn mot de la pronunciation, que les Grecz appellent notorprots. Afin que s'il t'auient de reciter quelquessois tes vers, tu les pronunces d'vn Son di-

stinct, non confuz, viril, non effeminé : auccques vne voix accommodee à toutes les affectios, que tu voudras exprimer en tesvers. Et certes comme icelle pronunciation & geste approprié à la matiere que l'on traite, voyre par le jugement de De mosthene, est le principal de l'Orateur: aussi n'est ce peu de chose que de pronuncer ses vers de bone grace. Veu que la poesse (comme dit Ciceron) à cté inventce par observation de prudéce & mesure des oreilles, dont le jugement est tressuperbe comme de celles qui repudient toutes choses afpres & rudes, non seulement en composition, & structure de morz, mais aussi en modulation de voix. Nous lisons cere grace de pronuncer auoir eté fort excellente en Virgile: & telle qu'vn poete de son tens disoit, que les vers de luy, par luy pronuncez, eroiet sonoreux & graves : par autres flacques, & effeminez. obleruer cellerchofes, Regarde p

De quelques observacions outre l'Artifice auecques vne innective contre les manuais Poetes Feancois.

CHAP. XI.

E ne demeureray longuemet en ce que s'ensuit, pource que notre Poete, tel que ie le veux, le pourra assez entendrepar son boi iugement, sans aucunes Traditions de reigles. Du tens doques

& du lieu qu'il fault elire pour la cogitation, ie ne luy en bailleray autres preceptes, que ceulx que son plaisir & sa disposition luy ordonneront. Les vns ayment les fresches vmbres des Forestz, les clers ruisselez doucement murmurans parmy les prez ornez & tapissez de verdure. Les autres se delectent du secret des Chambres & doctes Etudes. Il fault l'accommoder à la saison & au lieu. Bien te veux-ie auertir de chercher la solitude, & le Silence amy des Muses, qui aussi (affin que ne laisses passer cete fureur divine, qui quelquesfois agite, & echaufe les Espris Poetiques, & sans la quelle ne fault point que nul espère faire chose qui dure)n'ouurent iamais la porte de leur sacré cabinet si non à ceux qui hurtet rudement. Ie ne veux oublier l'emendation, partie certes la plus vtile de notz etudes. L'office d'elle est aiouter, oter, ou muer à loysir ce que cete premiere impetuolité & ardeur d'ecrire n'auoit permis de faire. Pourtant est il necessaire, afin, que noz ecriz comme cufans nouueaux nez, nous flattent, les

remettre à part, les reuoir souuet, & en la maniere des Ours à force de lecher leur doner forme & façon de membres, non immitant ces importuns versificateurs, nomez de Grecz μ8σοπάταγοι, qui compent à toutes heures les Oreilles des miserables Auditeurs par leurs nouveaux Poemes. Il ne fault pouttant y estre trop supersticieux, ou (comme les Elephans leurs petis) estre dix ans à enfanter ses vers. Sur tout nous convient auoir quelque scauant & fidele compaignon, ou vn Amy bien familier, voire trois ou quatre qui veil lent & puissent congnoitre noz fautes, & ne crai gnent point blesser nostre papier auecques les vn gles. Encores te veux-ie aduertir de hanter quelquesfois non seulement les scauas: mais aussi tou tes sortes d'ouuriers & gens Mecaniques, comme Mariniers, Fondeurs, Peintres, Engraueurs & autres, scauoir leurs inventions, les Noms des matieres, des outilz, & les termes viitez en leurs ars & metiers, pour tyrer de la ces belles comparaisons & viues descriptions de toutes choses. Vous semble point Messieurs, qui etes si ennemis de vostre lague, que nostre Poete ainsi armé puisse sortir à la campaigne, & se montrer sur les rancz, auecques les braues Scadrons Grecz & Romains? Et vous autres si mal equipez, dont l'ignorance à donné le ridicule nom de Rymeurs à nostre langue (comme les Latins appellent leurs mauuais Poetes versificateurs (oserez vous bien endurer le Soleil, la poudre, & le dangereux Labeur de ce combat! le suis d'opinion quevous retitiés au bagaige auecques les Paiges & Laquais,

ou bien (car i'ay pitié de vous) soubz les fraiz vmbraiges, aux sumptueux Palaiz des grands Seigneurs & cours magnifiques des princes entre les Dames & Damoizelles, ou votz beaux & mignons Ecriz, non de plus longue durée, que vostre vie seront receuz, admirés, & adorés: non point aux doctes Etudes, & riches Byblyotheques des Scauans. Que pleust aux Muses, pour le bien que ie veuz à notre Langue, que votz ineptes œuures feussent bannys, non seulement de la (comme ilz sont) mais de toute la France. le voudroys bien qu'à l'exemple de ce grand Monarque, qui defendit que nul n'entreprist de le tirer en Tableau, si non Apelle, ou en statue, si non Lysippe, tous Roys & Princes amateurs de leur langue deffendissent, par edict expres, à leurs subiectz de non mettre en lumiere œuure aucun, & aux Imprimeurs de non l'Imprimer, si premierement il n'auoit enduré la Lyme de quelque scauat homme aussi peu adulateur qu'etoit ce Quintilie, dont parle Horace en son art Poetique, ou, & en infiniz autres endroictz dudict Horace, on peut voir les vices des Poetes modernes exprimés si au vif, qu'il semble auoir ecrit non du tes d'Auguste, mais de François & de Henry. Les Medicins (dict il) promettent ce qui appartient aux Medicins, les Feuures traictent ce qui appartient aux Feuures: mais nous ecriuons ordinairement des Poemes autant les Indoctes, comme les Doctes. Voyla pourquoy ne se fault emerueiller, si beaucoup descauans ne daignent au iourd'huy ecrire en notre langue, & si les etragers ne la pri-

sent comme nous faisons la leur, d'autant qu'ilz voyent en icelle tat de nouueaux Aucteurs ignorans, ce qui leur fait penser, qu'elle n'est capable de plus grand ornemet & erudition. O combien ie desire voir secher ces Printems, chatier ces peeites ieunesses, rabbatre ces coups d'eslay, tarir ces Fontaines, bref, abolir tous ces beaux tilrres assez suffisans pour degouter tout Lecteur scauat d'en lire d'auantaige. Ie ne souhaite moins que ces depourueuz, ces humbles esperans, ces Benniz de lyesse, ces Esclaues, ces Trauerseurs soient renuoyés à la Table tonde: & ces belles petites de uises aux Gentilz hommes & Damoyzelles, d'ou on les a empruntees. Que diray plus? le supplie à Phebus Apollon, que la France apres auoir eté si longuemet sterile, grosse de luy enfante bien tost un poete, dont le Luc bien resonnat face taire ces enrouces Cornemuses, no autremer que les Grenoilles, quand on ierre vne pierre en leur Maraiz. Et si non ostant cela, cete sieure chaude d'ecrire les tormentoir encores, ie leur conseilleroy' ou d'aller prendre Medicine en Antycire: ou pour le mieux se remettre à l'etude: & sans honte à l'exemple de Caton, qui en sa vieillesse apprist les lettres Greques. le pense bien, qu'en parlant ainsi de notz Rymeurs, ie sembleray à beaucoup trop mordant & Satyrique:mais veritable à ceux qui ont scauoir & iugement : & qui desirent la santé de notre langue: ou cet vlceré & chair corrumpue de mauuaises Poesies est si inueteree, qu'elle ne se peut oter qu'auecques le Fer & le Cautere. Pour conclure ce propos, saiches Lecteur, que celuy sera veritablement le Poete, que ie cherche en notre langue, qui me fera indigner, apayser, eiouyr, douloir, aymer, hayr, admirer, etonner: bref qui tiédra la bride de mes affections, me tournant ça, & la à son plaisir. Voyla la vraye pierre de Touche, ou il fault que tu epreuues tous Poemes & en toutes langues. le m'ates bien qu'il s'en trouuerra beaucoup de ceux qui ne treuuent rien bon, si non ce qu'il entendent, & pensent pouuoir immiter: aux quelz nostre Poere ne sera pas agreable: qui diront qu'il n'ia aucun plaisir, & moins de profit à lire telz escriz, que ce ne sont que fictions Poetiques, que Marot n'a point ainsi ecrit. A telz pour ce qu'ilz n'entendent la Poesse, que de nom, ie ne suis deliberé de repondre, produysant pour dessence tant d'excel lens ouuraiges Poetiques Grecz, Latins, & Italies aussi alienes de ce genre, d'ecrire, qu'ilz approuuent tat, comme ilz font eux mesmes eloingnez de toute bonne erudition. Seulement veux-ie ad monnester celuy qui aspire à vne gloire non vulgaire, s'eloingner de ces inepres Admirateurs, fuyr ce peuple ignorant, peuple ennemy de tout rare & antique scauoir : se contenter de peu de Lecteurs à l'exemple de celuy, qui pour tous auditeurs ne demandoit que Platon: & d'Horace, qui veult ses œuures estre leuz de trois, ou quatre seulement, entre les quelz est Auguste. Tu as Lecteur, mon iugement de nostre Poete François, le quel tu suy uras si tu le treuves bon, ou te tiendras autien, si tu en as quelque autre. Car ie n'ignore point combien les iugementz des Home iiii

mes sont divers, comme en toutes choses, principalement en la Poesse, la quelle est comme vne
peinture, & non moins qu'elle, subsecte à l'opinion du vulgaire. Le principal But, ou ie vise c'est
la desfence de notre langue, l'ornement & amplification d'icelle, en quoy si ie n'ay grandement
soulagé l'industrie & labeur de ceux qui aspirent
à cete gloire, ou si du tout ie ne leur ay point aydé, pour le moins ie penseray auoir beaucoup
fait, si ie leur ay donné bonne volunté.

Exhortation aux François d'ecrire en leur lan gue, auec les louanges de la France.

CHAP. XII.

ON QVES s'il est ainsi que de nostre Tens les Astres, comme d'vn accord, ont par vne heureu se influence conspiréen l'honneur & accroissement de notre langue qui sera celuy des scauas,

qui n'y voudra mettre la main, y rependant de tous cotez les sleurs & fruictz de ces riches Cornes d'abundance Greque & Latine? ou à tout le moins qui ne louera & approuvera l'industrie des autres? mais qui sera celuy qui la voudra blamer? Nul, s'il n'est vrayment ennemy du Nom François. Ce prudent & vertueux Themistocle Athenien montra bien que la mesme Loy naturelle, qui commande à chacun desendre le lieu de sa naissance, nous oblige aussi de garder la dignité de notre langue, quand il codamna à mort

vn Herault du Roy de Perse seulement pour auoir employé la langue Attique, aux commandemens du Barbare. La gloire du peuple Romain n'est moindre (comme à dit quelqu'vn) en l'amplification de son languige que de ses limites. Car la plus haulte excellence de leur republique, voire du tens d'Auguste, n'etoit assez forte, pour se deffendre contre l'insure du tens par le moyen de son capitole, de ses thermes & magnifiques palaiz, sans le benefice de leur langue, pour la quelle seulemet nous les louons, nous les admiros, nous les adorons. Somes nous donques moindres que les Grecz ou Romains, qui faisoient si peu de cas de la notre? le n'ay entrepris de faire coparaison de nous à ceux la, pour ne faire tort à la vertu Fraçoile, la conferat à la vanité Gregeoyle: & moins à ceux cy pour la trop ennuveuse longueur que ce seroit de repeter l'Origine des deux nations, leurs loix, meurs & manieres de viure : les Consulz, Dictateurs, & Empereurs de l'vne, les Roys, Ducz, & Princes de l'autre. le confesse que la fortune leur ait quelquesfois eté plus fauorable qu'à nous:mais aussi diray ie bien) sans renouuelet les vieilles playes de Romme, & de quelle excellence, en quel meprix de tout le mode, par ses forces mesmes elle à eté precipitee) que la Frace soit en repos ou en guerre, est de log internale à preferer à l'Italie, serue maintenant & mercenaire de ceux aux quelz elle souloit commander. Ie ne parleray icy de la téperie de l'air, fertilité de la terre, abundance de tous genres de fruictz necessaires pour l'ayse & entretien de la vie humaine & autres inHerault da Roy de Perfe feulement pour xnumerables commoditez, que le ciel plus prodigalement que liberalement à elargy à la france. le ne conteray tant de grosses rivieres, tant de belles forestz, rant de Villes non moins opulentes, que fortes, & pourueues de toutes munitions de guerre. Finablement ie ne parleray de tant de me Riers, arz, & sciences, qui forissent entre nous, comme la Musique, Peinture, Statuaire, Archite-Aure, & autres non gueres moins que iadis entre les Grecz & Romains. Et si pour trouver l'or & l'arger, le fer n'y viole point les sacrees entrailles de nostre antique mere: si les gemmes, les odeurs & autres corruptions de la premiere generolité des homes n'y sont point cherchees du Marchane auare:aussi le Tigre enragé, la cruelle semence des Lyons, les Herbes empoisonneresses, & tat d'autres pettes de la vie humaine, en sont bien eloignees. le suis content que ces felicitez nous soiet communes auecques autres nations, principalement l'italie: mais quand à la pieté, religion, integrité de meurs, mignanimitez de courages & tou tes ces vertus rares & antiques (qui est la vraye & solide louange) la France à toussours obtenu sans controuerse le premier lieu. Pourquoy donques sommes nous si grads admirateurs d'autruy?pour quoy sommes nous tant iniques à nous mesmes? pourquoy mandions nous les langues etrangeres comme si nous autons honte d'vser de la notre? Caton l'Aisné (se dy celuy Caton, dont la grave sentence à eté tant de fois approuuce du Senat & peuple Romain) dist à Posthumie Albin l'excusant de ce que luy, home Romain auoit ecrit vne

Hystoire en Grec: llest vray qu'il t'eust faillu pardonner, si par le Decrit des Amphyctioniens tu eusses esté contraint d'ecrire en Grec. Se moquant de l'ambicieuse curiosité de celuy qui aymoit mieulx ecrite en vne langue etrangere, que en la sienne. Horace dit, que Romule en songe l'amonnesta, lors qu'il faisoit des vers Grecz, de ne porter du boys en la forest. Ce que font ordinairement ceux qui escriuent en Grec & en Latin. Et quad la gloire seule, non l'amour de lavertu, nous deuroit induire aux actes vertueux, si ne voy-ie pour tant qu'elle soit moindre à celuy qui est excelent en son vulgaire, qu'à celuy qui n'ecrit qu'en Grec, ou en Latin. Vray est que le nom de cetuy cy (pour autant que ces deux langues sont plus sameuses, l'etent en plus de lieux: mais bien souvent comme la fumee, qui sort grosse au commencement, peu à peu l'euanouist parmy le grand espace de l'Air, il se perd, ou pour etre opprimé de l'infinie multitude des autres plus renommez, il demeure quali en silèce & obscurité. Mais la glorre de cetuy la, d'autant qu'elle se contient en ses limites, & n'est divisce en tat de lieux que l'autre, est de plus longue duree, comme ayant son siege, & demeure certaine, Quand Ciceron & Virgile se misrent à ecrire en Latin, l'Eloquence, & la Poesie etoient encor'en enfance en tre les Romains, & au plus haut de leur excellen. ce entre les Grecz. Si doques ceux que i'ay nommez, dedaignas leur lague, eussent ecrit en Grec, est-il croyable, qu'ilz eussent egalé Hommere, & Demosthene? Pour le moins n'eussent ilz eté en-

tre les Grecz ce qu'ilz sont entre les Latins. Petrarque semblablement, & Boccace cobien queilz aient beaucoup ecrit en Latin, si est-ce que cela n'eust eté suffisant pour leur donner ce grand honneur qu'ilz ont acquis, s'ilz n'eussent ecrit en leur lágue. Ce que bié congnoissans maintz bons espris de notre tens, combien qu'ilz eussent ia acquis vn bruyt nonvulgaire entre les latins, se sont neantmoins conuertiz à leurs langue maternelle, mesmes Italiens qui ont beaucoup plus grande raison d'adorer la langue Latine, q nous n'auons Ie me contenteray de nommer ce Docte Cardinal Pierre Béde, duquel ie doute, si onques homme immita plus curieusement Ciceron, si ce n'est parauenture vn Christosle Longueil. Toutesfois par ce qu'ilz à ecrit en Italien, tant en Vers commeen prose, il à illustré & salangue & son nom plus trop qu'ilz n'estoient au parauat. Quelquevn (peut estre) deia persuadé par les raisons, que i'ay alleguees, se convertiroit voluntiers a son vul gaire, s'il auoit quelques exemples domestiques. Et iedy, que d'autant sy doit-il plus tost mettre pour occuper le premier ce à quoy les autres ont failly. Les larges campaignes Greques & Latines sont déia si pleines, que bien peu reste d'espacevide. la beaucoup d'vne course legere, ont attaint le But tant desiré. Long temps ya, que le prix est gaigné. Mais, ó bon Dieu, combien de Mer nous reste encores, auat que soyons paruenuz au port, combien le terme de nostre course est encores loing. Toutesfoys ie te veux bié auertir que tous les scauans hommes de Frace n'ont point meprisé leur vulgaire. Celuy qui fait renaitre Aristophene, & faint si bien le nez de Lucian, en porte bő temoignage. A ma volunté que beaucoup en diuers genres d'ecrire voulussent faire le semblable, non point l'amuser à derober l'ecorce de celuy, dont ie parle, pour en couurir le boys tout vermoulu, de ie ne scay quelles lourderies si mal plaisantes qu'il ne faudroit autre recepte pour fai re passer l'enuie de ryre à Democrite. le ne craindray point d'aleguer encores pour tous les autres ces deux lumieres Françoises Guillaume Budé, & Lazare de Bayf. Dont le premier à ecrit no moins amplemet, que doctemet l'Institution du prince, œuure certes assez recommandé par le seul nom de l'ouurier. L'autre n'a pas seulement traduict l'Electre de Sophocle quasi vers pour vers, chose laborieuse comme entendent ceux qui ont essayé le semblable: mais dauantage à donné à nostre lague le nom d'Epigrammes & d'Elegies, auecques ce beau mot composé Aigredoulx afin qu'on n'at tribue l'honneur de ces choses à quelque autre. Et de ce que ie dy, m'a asseuré vn Gentilhomme mien amy, homme certes non moins digne de foy, que de singuliere erudition. & jugemet non vulgaire. Il me semble (Lecteur Amy des Muses Fiançoises) qu'apres ceux que i'ay nommez, tu ne dois auoir honte d'ecrire en ta lague, mais encores doibs-tu si tu es amy de la France, voyre de toymesmes, t'y donner du tout : auecques ceste genercuse opinion qu'il vault mieux estre vn Achille entre les siens, qu'vn Diomede, voyre bien souvent vn Thersite entre les autres.

Conclusion de tout l'Oeuuré.

R sommes nous, la grace à Dieu, la par beaucoup de perilz & de flotz etrangers, renduz au port, à seureré. Nous auons echappé du milieu des Grecz, & par les Scadrons Romains penetré ius-

ques au Seing de la tant desirée France. La donques François, marchez couraigeusemet vers cete superbe Cité Romaine: & des serues depouilles d'elle (come vous auez fait plus d'vne fois) ornez voz Temples & autelz. Ne craignez plus ces Oyes cryardes, ce fier Manlie, & ce traitre Camile, qui soubz vmbre de bonne foy vous suprêne tous nudz contans la rançon du Capitole. Donnez en ceste Grece Menteresse, & y semez encor vn coup la fameuse Nation des Gallogrecz. Pillez moy sans conscience les sacrez thresors de ce Temple Delphique, ainsi que vous auez fait autrefois: & ne craignez plus ce muet Apollon : ces faulz Oracles, ny ses fleches rebouchees. Vous fouuienne de votre ancienne Marseille, secondes Athenes, & de votre Hercule Gallique, tirant les peuples apres luy par leurs oreilles auecques vne Chesne attachee à sa langue.

de la Langue Francoise.

chille entre les fiens, qu'yn Diomede, veyre blen w

fourent vn Therfire entre les autres.

AV LECTEVR.

MY Lecteur, tu trouveras ettage (peut estre) de ce que l'ay si breuement traité vn si fertil & copieux argumét, come est l'Illustration de nostre Poesse Fran çoise: capable certes de plus grad

ornement, que beaucoup n'estiment. Toutesfois tu doibz penser que les ars & sciéces n'ont receu leur perfection tout à vn coup, & d'vne mesme main: ainçois par succession de longues années, chacun y conferant quelque portion de son indu strie, sont paruenus au point de leur excellence. Recoy donques cepetit ouurage, comme vn desseing, & protraict de quelque grand & laborieux edifice, que l'entreprédray (possible) de conduire, croissant mon loysir & monscauoir: & si ic congnoy' que la nation Françoise ait agreable ce mié bon vouloir (vouloir dy-1e) qui aux plus grandes choses a tousiours merité quelque louage. Quad à l'Ortographe, i'ay plus suyuy le commun & antiq' vsaige que la raison, d'autat que cete nouuel-(mais legitime à mon jugemet) facon d'ecrire est mal receue en beaucoup de lieux, que la nouveau té d'icelle eust peu rendre l'œuure non gueres de soy recommedable, mal plaisant, voyre contemptible aux Lecteurs. Quad aux fautes qui se pourroient trouuer en l'Impression, comme de lettres transposees, omises, ou superflues, la premiere eridition les excusera, & la discretion du Lecteur scauant, qui ne l'arrestera à si petites choses.

A Dieu, Amy I cceur.